

萬 有 文 庫

第二集七百種

王 雲 五 主 編

植 物 名 實 圖 考

附 植 物 名 實 圖 考 長 編

(四)

吳 其 濬 著

商 務 印 書 館 發 行



植物名實圖考

附植物名實圖考長編

(一)

吳其濬著

國學基本叢書

# 植物名實圖考卷之十九

固始吳其濬著

蒙自陸應穀校刊

## 蔓草類

紅梅消

地附子

三葉挈藤

小木通

三加皮

貼石龍

九子羊

金線草

無名一種

山慈姑

潑盤

大血藤

山木通

大木通

石猴子

野扁豆

山豆

五爪金龍

過山龍

萬年藤

大打藥

飛來鶴

稱鈎風

陰陽蓮

金錢豹 又一種

石血

千年不爛心

香藤

廣香藤

南蛇藤

川山龍

鵝抱蛋

紫金皮

無名一種

牛皮凍

鑽地風

金線壺盧

癩蝦蟆

狂風藤

挈藤

百脚蜈蚣

石盤龍

野杜仲

清風藤

無名一種

扳南根

順筋藤

內風消

臭皮藤

藁蓮藕

雞矢藤

金燈藤

兩頭拏

紅梅消

紅梅消 江西南湖南河濱多有之細莖多刺初生似叢漸引長蔓可五六尺一枝三葉葉亦似藕田蕪初發面青背白漸長背即淡青三月間開小粉紅花色似紅梅不甚開放下有綠蒂就蒂結實如覆盆子色鮮紅纍纍滿枝味酢甜可食 按蔗屬甚多李時珍亦未盡攷故不云有紅花者辰谿縣志山泡有三月泡大頭

紅梅消



潑盤

泡田雞泡扒船泡泡即蕪語音輕重耳名隨地改殆難全別江西俚醫以紅梅消根浸酒為養筋活血消紅退腫之藥又取花汁入粉可去雀斑蓋色形味與蓬蘽覆盆相類其功用應亦不遠李時珍分別入藥不入藥亦只以本草所有者言之而山鄉則可食者即多入藥未可刻舟膠柱也此草滇呼紅瑣梅採作果食湖南北謂之過江龍簡易草藥收之其枝梢下垂及地則生根黔中謂之倒築傘遵義府志枝葉結子與薊秧蕪絕似枝末拄地則生根復起再長拄地復然大者不知其本末所在根可入藥云

潑盤

救荒本草潑盤一名托盤生汝南荒野中陳蔡間多有之苗高五七寸莖葉有小刺其葉彷彿似艾葉稍團葉背亦白每三葉攢生一處結子作穗如半柿大類小盤堆石榴顆狀下有蒂承如柿蒂形味甘酸性温以潑盤顆粒紅熟時採食之彼土人取以當果 按李時珍云一種蔓小於蓬蘽一枝三葉葉面青背淡白而微



地附子

有毛開小白花四月實熟其色紅如櫻桃者俗名蔞田  
 蕪卽爾雅所謂蕪者也故郭璞註云蕪卽莓也子似覆  
 盆而大赤色酢甜可食此種不入藥用卽此

地附子 地附子產建昌蔓生莖如初生小竹有節一

枝三葉葉長有尖圓齒疎紋對葉生鬚鬚就地生根大  
 如麥冬俚醫以治小兒退熱止腹痛取漿沖服



大血藤

大血藤 宋圖經血藤生信州葉如蕪藺葉根如大拇

指其色黃五月採行血治氣塊彼土人用之李時珍按  
 虞搏云血藤卽過山龍未知的否姑附之茜草下 按  
 過山龍俗名甚多不圖其形無從審其是否羅思舉簡  
 易草藥大血藤卽千年健汁漿卽見血飛又名血竭雌  
 雄二本治筋骨疼痛追風健腰刻今江西廬山多有之  
 土名大活血蔓生紫莖一枝三葉宛如一葉擘分或半

蔓草卷之十九 蛇附子 大血藤 三葉掣藤 山木通



大血藤

邊圓或有角而方無定形光滑厚韌根長數尺外紫內  
白有菊花心掘出曝之紫液津潤浸酒一宿紅艷如血  
市醫常用之廣西梧州志千年健浸酒祛風延年彼中  
人以遺遠束以色絲頗似降真香

三葉掣藤

三葉掣藤生長沙山中蔓生黑莖新蔓柔

細一枝三葉葉長寸餘而未頗團面青背白直橫紋皆

細俚醫以為治跌損和筋骨之藥



三葉掣藤

山木通

山木通長沙山中有之粗莖長蔓三葉攢生



山木通

一枝光滑厚朝葉際開花花罷殘蕊茸茸尚在莖上俚醫用以通竅利水 按圖經木通一枝五葉葉如石韋此藤老莖亦中空葉亦似石韋而只三葉無實又別一種

### 小木通

小木通產湖口縣山中莖葉深綠長蔓臭娜

每枝三葉葉似馬兜鈴而細俚醫用以利小便 按俗間木通多種以木通本功通利九竅故藤本能利水者多以木通名之



小木通

### 大木通

大木通產九江山中一名接骨丹粗藤如樹

短枝青綠對葉排生濃綠大齒俚醫搗葉敷治腳瘡爛毒莖利小便 按形狀與本草圖異蘇頌引燕吳行紀揚州甘泉東院有通草其形如樁子垂梢際所說不同或別一物此草頗似椿葉惟大齒不類



大木通

### 三加皮

三加皮產建昌山中大根赭黑似何首烏叢

生細莖老赭新綠對發短枝一枝三葉葉勁無齒形似豆葉而長面綠背青白中直脈紋亦稀疎俚醫以治風

蔓草卷之十九 小木通 大木通 三加皮 石猴子 點石龍



蔓草卷之十九 小木通 大木通 三加皮 石猴子 貼石龍

氣故名三加皮非與一名金鹽之五加皮一類也



三加皮

石猴子

石猴子產南安蔓生細莖莖距根近處有粗

節手指大如麥門冬黑褐色節間有細鬚繚繞短枝三

葉葉微似月季花葉氣味甘溫土人取治跌打損傷婦

人經水不調敷一切無名腫毒 按本草拾遺江西山

林間有草生葉頭有瘦子似鶴薊葉如柳亦名千金藤

或即此

貼石龍

貼石龍生南安赤根無鬚細莖青赤一枝三

石猴子



貼石龍



葉葉如柳葉俚醫以治頭痛腦風牙痛井水煎服蛇咬  
擦傷處亦可服

野扁豆 野扁豆長沙坡阜有之莖葉俱似扁豆而小  
開花亦如扁豆花而色黃結扁角長寸許子大如蒺藜  
俚醫以洗無名腫毒



野扁豆

九子羊

九子羊產衡山蔓生細綠莖葉如蛾眉豆葉  
一枝或三葉或五葉秋開淡綠花如豆花而內有郭如  
人耳結短角根圓如卵數本同生秋時掘取輒得多枚  
俚醫用之

蔓草卷之十九 野扁豆 九子羊

九子羊



山豆

山豆產寧都赭莖小科莖短而勁一枝三葉如豆

山豆



山豆 金線草 五爪金龍 無名一種

葉而小面青背微白秋結小角長三四分四五成簇有  
豆兩粒赭根如樹根長四五寸俚醫以治跌打能行兩  
腳與廣西山豆根主治異

### 金線草

金線草生長沙岡阜間蔓生方莖四葉攢生

一處莖葉皆有澀毛棘人衣與茜草同唯葉大而圓為  
異考本事方翦草似茜治血證極效此草能行血治腰  
痛俚醫用之或即本事方之翦草湖南呼茜草皆曰鋸

金線草



子草二草形頗相類而土人分辨甚晰

### 五爪金龍

五爪金龍產南安橫根抽莖莖葉俱綠就

莖生小枝一枝五葉分布如爪葉長二寸許本寬四五  
分至末漸肥復出長尖細紋無齒根褐色硬如草薺

五爪金龍



### 無名一種

江西湖南多有之長蔓緣壁圓節如竹對

節發小枝五葉同生似烏蕨苒而長葉頭亦禿深齒粗  
紋厚澀如皺節間有小鬚粘壁如蠅足與巴山虎相類

過山龍

過山龍江西山中有之根大小兒臂長硬

過山龍




無名一種

山慈姑

豬黑莖碧有節附莖對葉大如油桐有歧不勻粗紋大齒俚醫以治閉腿風敷腫毒

蔓生綠莖葉如蛾眉豆葉而圓大深紋多鋸根大如拳黑褐色四圍有白鬚長寸餘蓬茸如蝟建昌土醫呼為金線吊蝦蟆微肖其形以為敗毒通氣散痰之藥余曾求坐擊草於永豐令以此草應命殆未必確

山慈姑江西湖南皆有之非花葉不相見者



山慈姑

蔓草卷之十九 過山龍 山慈姑

萬年藤 大打藥 鑽地風

蔓草卷之十九 過山龍 山慈姑 萬年藤 大打藥 鑽地風

萬年藤

萬年藤產建昌山中蔓生硬莖就莖兩葉對

生圓如馬蹄有微尖橫直細紋梢葉有缺頗似白英緒

根長尺許圓節俚醫以洗瘡毒滋陰生涼



萬年藤

大打藥

大打藥產建昌山中蔓生綠莖紫節如竹一

葉一鬚鬚赭色葉圓大如馬蹄有尖綠潤疎紋赭根長

一二尺餘俚醫以治打傷取根一段煎酒服



鑽地風

鑽地風

鑽地風長沙山中有之蔓生褐莖莖根一色



大打藥

不堅實葉如初生油桐葉而圓碎紋細齒俚醫以治筋

骨行脚氣

飛來鶴

飛來鶴生江西廬山莖葉似旋花惟葉紋深

紫嫩根紅潤小如箸頭與他種異



飛來鶴

金線壺盧

金線壺盧生江西建昌山中硬根勁蔓俱

黑赭色嫩枝細綠葉柄長韌葉本圓缺如馬蹄而未出

長尖中腰微凹有似細腰壺盧俚醫用根醋磨敷乳吹

金線壺盧



稱鉤風

稱鉤風江西有之蔓延牆垣綠莖柔韌葉有

尖而禿澀糙有直紋數縷土人未知所用

稱鉤風



蔓草卷之十九 飛來鶴 金線壺盧 稱鉤風 癩蝦蟇 陰陽蓮 狂風藤

蔓草卷之十九 飛來鶴 金線壺盧 稱鉤風 癩蝦蟆 陰陽蓮 狂風藤

### 癩蝦蟆

癩蝦蟆產南康廬山赭根細鬚大如指青莖蔓生近根四葉對生極似玉簪花葉而小梢葉錯落近葉發小枝上綴青葍莢細如粟米成穗開五瓣小黃花廬山靈藥塞壑填谿記載缺如服食無方余遣採訪多不識名偶逢樵牧隨其指呼姑紀形狀以俟將來

癩蝦蟆



### 陰陽蓮

陰陽蓮一名大葉蓮產建昌山中蔓生細綠

莖淡紅節有小刺就節參差生葉葉本如馬蹄寬寸餘末尖長二寸許面濃綠背黃白粗紋微澀根大如指橫發枝蔓俚醫以治婦科調經取根幹同桃仁煎酒服

### 狂風藤

狂風藤江西贛南山中有之赭根綠莖蔓生



陰陽蓮

狂風藤



金錢豹

柔荑參差生葉長柄細韌似山藥葉而長僅有直紋數道土人以治風疾

●金錢豹產南安蔓生綠莖葉圓而尖近枝有微缺深紋有皺似牛皮凍葉而長梢頭結實赭殼纍纍薄如蟬蛻內含青子土人以治嗽又一種同名異類余再至南安遣人尋探僅一見之



金錢豹一

●金錢豹亦生南嶺蔓生綠莖細柔葉似婆婆針線包而窄有細齒綠蒂紫花花瓣層疊下垂作筒子微向外卷不甚開放與前一種名同類異

挈藤

挈藤一名毛藤黎產南城麻姑山黑莖大葉如麻



金錢豹二



挈藤

蔓草卷之十九

金錢豹

挈藤

石血

百脚蜈蚣

千年不爛心




蔓草卷之十九 金錢豹 翠藤

葉深齒疎紋葉端尖長結青實如棠梨而小

石血 宋圖經石血與絡石極相類但葉頭尖而赤耳

按江西山坡及牆壁木石上極多葉紅如霜葉掩映綠  
卉尤增鮮明但細審其葉一莖之上或尖或團團如人  
手指尖如竹葉秋時結長角如豇豆長六七寸初青後  
赤破之有子如羅摩子半如鍼半如絨絨亦白軟大約



石血

石血 百脚蜈蚣 千年不爛心

與絡石同種而結角則異或以為雌雄耳

百脚蜈蚣 百脚蜈蚣生江西廬山緣石蔓衍就莖生

根與絡石木蓮同葉似山藥有細白紋面綠背淡新莖

亦綠

百脚蜈蚣



千年不爛心 千年不爛心產建昌山中蔓生如木根

莖堅硬就老莖發軟枝附枝生葉微似山藥葉色淡綠

背青黃秋結圓實攢簇生碧熟紅俚醫用之

蔓草卷之十九 石盤龍 香藤 野杜仲 廣香藤 清風藤

石盤龍



石盤龍

石盤龍江西山中多有之橫根赭黑絡石蔓



千年不爛心

野杜仲

野杜仲撫建山中有之蔓生盤屈黑莖有星

勁脆如木葉如橘葉而不光澤疎紋無齒短枝枯槎頗似針刺根亦堅實俚醫以治腰痛取皮浸酒功似杜仲

故名

香藤



香藤

香藤產南安蔓生褐莖有節節間有鬚葉如柳葉而寬葉本有黑鬚數莖如棕氣味甘溫主治和血去風  
衍綠莖糾結葉比木蓮小而尖亦薄弱面青背黃綠俚醫採根同檳榔煎酒治飽脹

廣香藤

廣香藤產南安綠葉毛澀黃背赭紋極似各



廣香藤



野杜仲

清風藤

樹寄生惟褐莖長勁為異俚醫用以解毒養血清熱  
時常有彼土人採其葉入藥治風有效 按清風藤近  
山處皆有之羅師舉草藥圖云清風藤又名青藤其木



清風藤

蔓延木上四時常青采莖用治風疾風濕凡流注歷節  
鶴膝麻痺搔痒損傷瘡腫入酒藥中用南城縣尋風藤  
即清風藤蔓延屋上土人取莖治風濕余詢之南城人  
云藤以蚤綠楓樹而出樹梢者為真奪楓樹之精液年

## 南蛇藤

南蛇藤生長沙山中黑莖長韌參差生葉葉

深藤老故治風有殊效餘皆無力遣人求得大抵與木  
蓮相類厚葉木強藤硬如木粗可一握黑子隆起蓋卽  
絡石一種而所緣有異又本草拾遺扶芳藤以楓樹上  
者爲佳恐卽一物清風扶芳一音之轉土音大率如此  
似蛇故名俚醫以治無名腫毒行血氣



南蛇藤

## 無名一種

江西山岡皆有之多與金剛草薜蘿叢廁糾

纏綠莖柔細一葉一鬚長葉大齒深紋粗澀根紫黑色  
大於草薜而堅 按本草從新有開金鎖根葉亦如草  
薜菝莢皆此類

無名一種




## 川山龍

川山龍產南安蔓生挺立赤莖有星參差生

葉葉圓而長面綠背青黃直紋稀疎圓齒不勻根如老  
薑褐黃色赭鬚數莖俚醫以爲跌打損傷要藥

蔓草卷之十九 南蛇藤 無名一種

川山龍 扳南根 鵝抱蛋



川山龍

扳南根

扳南根湖南園圃多有之蔓生如葛莖細而



扳南根

韌葉亦似葛而小褐根粗如巨擘俚醫以治疔毒江西呼為雞屎葛根 按蘇恭注黃環云今太常所收劍州者皆雞屎葛根當即此

鵝抱蛋

鵝抱蛋生延昌山中蔓生細莖有節本紫梢

綠葉如菊葉深齒如歧葉下有附莖葉寬三四分根如麥冬而大莖長有橫黑紋五六枚一窠俚醫取根燉酒云散寒氣能補益 按宋圖經有鵝抱蔓似大豆治熱毒形與此異主治亦別



鵝抱蛋

順筋藤

順筋藤南安長沙皆有之蔓生繚曲綠莖赤節節間有綠鬚纏繞葉如威靈仙葉無歧斜紋葉間結小青實如豆硬根赭紅色礫研盤錯復有長葉攢之氣味甘溫土人取通經絡和血溫補



順筋藤

紫金皮

紫金皮江西山中多有之蔓延林薄紫根堅實莖亦赭赤葉如橘柚光滑無齒葉節間垂短莖結青蒂攢生十數子圓紫如毬鮮嫩有汁出俚醫用根藤治飽脹腹痛有效兼通肢節按宋圖經有紫金藤不具形狀和劑方有紫金藤丸

內風消

內風消江西湖南皆有之蔓生紫莖結實攢



紫金皮



內風消

蔓草卷之十九 順筋藤 紫金皮

內風消 無名一種 臭皮藤 牛皮凍

蔓草卷之十九 順筋藤 紫金皮 內風消 無名一種 臭皮藤 牛皮凍

聚如毳極類紫金皮惟葉不攢排有細齒無光澤俚醫以爲內托和血之藥

無名一種 生撫州山坡蔓生赭藤對葉如柳葉而柔

潤秋結青實七八粒圓簇下垂頂有白暈

無名一種



臭皮藤 臭皮藤江西多有之一名臭莖子又名迎風

子蔓延牆屋弱莖糾纏葉圓如馬蹄而有尖濃紋細密

秋結青黃實成簇破之有汁甚臭土人以洗瘡毒



臭皮藤

牛皮凍 牛皮凍湖南園圃林薄極多蔓生綠莖長葉


牛皮凍



### 慕蓮藕

慕蓮藕湖廣園圃中多有之綠莖蔓延附莖

如臘梅花葉濃綠光亮葉間秋開白筩子花小瓣五出  
微卷向外黃紫色結青實有汁俚醫云與臭皮藤一種  
圓葉爲雌長葉爲雄用敷無名腫毒兼補筋骨



對葉如王瓜葉微尖無毛秋開五瓣小白花數十朵攢  
簇長根近尺色赭土人以治吐血

蔓草卷之十九 慕蓮藕 雞矢藤

### 雞矢藤

雞矢藤產南安蔓生黃綠莖葉長寸餘後寬

前尖細紋無齒藤梢秋結青黃實硬殼有光圓如菘豆  
稍大氣臭俚醫以爲洗藥解毒去風清熱散寒



### 金燈藤

金燈藤一名毛芽藤南嶺皆有之寄生樹上

無枝葉橫抽一短莖結實密攢如 葵而色青紫土人  
採洗瘡毒兼治痢證同生薑煎服

金燈藤 兩頭掣



蔓草卷之十九 葛蓮藕 雞矢藤 金燈藤 兩頭挈



金燈藤

兩頭挈

兩頭挈生廣信草似野苧麻有淡紅藤一縷



兩頭挈

便 寄生枝上蓋即毛芽藤生草上者土醫以治跌打利小

# 植物名實圖考卷之二十

固始吳其濬著

蒙自陸應穀校刊

## 蔓草類

土茯苓

常春藤

榼藤子

伏雞子根

何首烏

馬兜鈴

威靈仙

山豆根

仙人掌草

獨用藤

木蓮

千里及

懸鉤子 二圖

使君子

木鼈子

南藤

黃藥子 三圖

預知子

鵝抱

百棧藤

天仙藤

野豬尾

土紅山

含春藤

石合草

瓜藤

雞翁藤

馬接腳

狗筋蔓

牛皮銷

九仙子

明州天花粉

老鸛筋

金棧藤

杜莖山

芥心草

大木皮

祁婆藤

紫金藤

烈節

藤長苗

絞股藍

豬腰子

杏葉草

台州天壽根

木羊角科

土茯苓

土茯苓即草禹餘糧本草拾遺始著錄宋圖經謂之刺豬苓今通呼冷飯團形狀功用具本草綱目

土茯苓



近時以治惡瘡爲要藥多以草薺充之或有以商陸根  
僞充者草薺去濕性尙不遠若商陸則去水峻利宜慎  
辨之

雲婁農曰土茯苓出近世俗醫治惡疾邀重利如操左  
券吾於是見造物之好生也且旋賊之而旋生之也五  
行遞嬗遘厲紛拏人生口體之奉所以戕其四端之性  
而誘之以四奸者蓋無一息之或道乃病以歧黃未論  
之病卽藥以農皇未嘗之藥病旣不擇人而生藥亦不

擇地而育甚至垢腐潰臭妻孥遠避而醫者覺沐之而  
投以草木之滋或起行屍而肉白骨卒不使之盡戕其  
生又非造物生機無一息之或停哉夫萬物死於北亦  
生於北易曰坎勞卦也萬物之所成終而成始也造物  
旣賊之而復生之勞亦甚矣非特此也孟子曰天地之  
生也一治一亂在人則賊之生之在天下則治之亂之  
造物果何心哉雖然死至思生亂極思治造物之心亦  
人心耳人勞勞於生死治亂之途造物亦不得不勞之  
於生之死之治之亂之之故然則代造物而理物者欲  
聽人物之擾攘而無所勞焉得乎

**木蓮** 木蓮卽薜荔本草拾遺始著錄自江而南皆曰木  
饅頭俗以其實中子浸汁爲涼粉以解暑圖經綱目備  
載其功用多驗

雲婁農曰薜荔以楚詞屢及詩人入詠遂目爲香草今  
江南陰濕牆瓦攀援殆遍何曾有臭罔薜荔兮爲帷則  
山居柴扇石戶間皆是矣宋李彥發物供奉大抵類朱



木蓮

勸農不得之田牛不得耕墾殫財靡芻力竭餓死或自  
縊轅輓間如龍鱗薜荔一本輦致之費踰百萬不知此  
有何好而必輦致非詩人口孽耶徐諧詩雨久莓苔綠  
霜濃薜荔紅梅聖俞詩春城百花發薜荔上陰階但誦  
好詩那得不神往密雨斜侵窗戶涼生時乎貧賤者盜  
天地之菁莪以自適其適富貴者又欲盜貧賤之逍遙  
以窮其所窮漢武以蒟醬蒲萄而開邊魏大武以甘蔗  
而返旆侈心之萌誰能刃斬克己復禮仁也楚靈王若  
能如此豈其辱於乾谿宋徽宗若能如此豈至北以牛

車

按薜荔李時珍以爲卽木蓮而圖經以爲一類二種  
滇南有一種與木蓮絕相類而葉實皆略小其卽圖  
經所謂薜荔耶楚詞薜荔拍兮蕙綢罔薜荔兮爲帷  
皆言其能緣牆壁也又曰貫薜荔之落蕊木蓮花極  
細詞人寓言未可拘執而注以爲香草不知薜荔殊  
無氣味釋離騷者斤斤於香草美人拘文牽義誠無  
當於格物耳山海經有葦荔狀如烏韭而生石上應  
是苔類漢書房中歌都荔遂芳方是香草非絡石蔓  
延山木者也

### 常春藤

常春藤卽土鼓藤本草拾遺始著錄日華子  
以爲龍鱗薜荔談薈以爲卽巴山虎今南北皆有之結  
子圓碧如珠與拾遺說符功用長於治癰疽腫毒  
零婁農曰京師浩穰營園亭者皆能致南中花木卽嶺  
嶠異產亦時附婆羅船越重洋隨拍越風而達析津然  
冬寒皆爲窟室以避霜雪若薜荔絡石之屬緣牆壁而



互冬夏者則天時地氣皆不宜之惟常春藤被繚垣帶  
怪石綠葉匝爲庭榭之飾焉細花惹蜂青實啣雀於  
藥果皆無取然枝蔓下有細足黏頰極牢疾風甚雨  
不能震撼人之有牆以蔽惡也牆之隙壞藤有賴焉然  
則彼都人士庇焉而不縱尋斧焉宜矣

千里及 千里及本草拾遺始著錄圖經千里光千里

及形狀如一李時珍併之良是其黃花演花同葉異則  
非一種今俚醫用以治目呼爲九里明



零婁農曰藥物異地則異名而千里光之名起嶺嶠下  
豫章逾彭蠡洞庭達於夜郎牂牁無弗同者聞名而知  
其必有功於目已其花黃如菊盛於秋得金氣殆菊之  
別子耶花老爲絮則與蒲公英又類族也滇醫以洗瘡  
毒蓋以此吾觀其物而愧不能爲光明燭也雖有良藥  
其如余何乃作詩曰登臨滇海亦既觀止悠悠極目思  
在千里左眇千里洞庭始波滔滔江漢舟楫若何右睇  
千里一綫瀾滄赤髮金齒逸矣窮荒前望千里九嶷蒼

梧愁雲曷極海波天吳後顧千里金沙岷江東流不息  
 去矣吳艤玉京何在三萬六千白雲間之衆星醉天露  
 冷之柏霜隕之桑安得神瞳闕彼帝鄉英光邈遠與爾  
 實族且信人言以拭吾目

榼藤子 榼藤子即象豆詳南方草木狀本草拾遺開

寶本草始著錄南越筆記云子炒食味佳

榼藤子



零婁農曰余至粵未得見斯藤按記子可食腐可爲楛  
 以貯藥何造物憫斯人之勞而爲之代斲也蔬之實有  
 匏焉小以酌大以濟木之實有椰焉小以飲大以陶古  
 者祭祀器用匏非僅尙其質亦以見天地之爲人計者  
 纖悉俱備用之以示報也彼靡天地之物而不知天地

之心必以暴殄致天罰榼藤惜不植於嶺北近世蜀中  
 模柚皮以爲器以無用爲用且輕而潔南嶽斷大竹以  
 爲甌至省工力若而人也以嘗巧也不爲病矣

懸鉤子 懸鉤子本草拾遺始著錄李時珍以爲卽爾

懸鉤子一



雅蒨山莓郭注今之木莓也小樹高不盈丈江南山中  
 多有之與楊梅同時熟或亦呼爲野楊梅

零婁農曰湖湘間莓至多皆春時熟然多蔓生此草得  
 之袁州居然木也嶺南及滇蔓者皆類木殊不易別凡  
 莓皆以果視之不僅充狼糧而供扈粟矣山居之民飲  
 木葉蔬潤毛糲藤根果實之具甘酸者婦穉緣嶽巖而

蔓草卷之二十 檣藤子 懸鉤子 伏雞子根 使君子



懸鉤子二

掇之以爲佳品其天性全而滋味薄故能與猥麤爭捷而嵐氣不得刺其膚草通都大邑甜榴好李無非栽接種則珍矣譬如一麥而有桃李奈三味焉欲持此以證農皇所嘗之味豈有合耶

伏雞子根 伏雞子根本草拾遺始著錄生天台山根

伏雞子根



似鳥形者良治黃疽癰瘰癧腫

使君子 使君子即留求子形狀詳南方草木狀開寶

本草始著錄今以治小兒蛔蟲實長如榧實本草衍義謂用肉難得仁蓋絕小殊未確



使君子

零婁農曰藥之殺蟲者味皆辛苦留求子味至甘且馨小兒嗜之無推除之跡而殺蟲尤峻然則風雨和甘皆可以化無形之害不必隕霜降雪而後能殲蝨賊螟蟻矣三代以前去惡如鋤草朝野晏然而禍根已盡三代

以後去惡如拔山國法甫行而死灰復起蓋和甘者所以植善類善類長則稂莠消霜雪者所以毒惡物惡物不盡則禾黍不滋且和甘之日長則惡物無冀倖之心霜雪之日短則善類有孤子之懼稷契升庸而共兜自遠和甘之普被也漢唐廓清而讒險猶在霜雪所不及也雖然苦之殺蟲效可立見甘之殺蟲效必緩臻是又王霸之分而歡娛皞皞之異形矣乃為使君之贊曰彼使君兮如風之東披拂惠和虺蜴遁窮彼使君兮如炎而潤浸沐洗濯跋喙恬順彼使君兮如霜而杲惠我赤子如在保抱彼使君兮如冽而曛曝我窮黎為掃蠹蚤使君使君飲之可醺載含載吮思我使君

### 何首烏

何首烏詳唐李翱何首烏傳開寶本草始著

錄有紅白二種近時以為服食大藥救荒本草根可煮食花可煤食俚醫以治癰疽毒瘡隱其名曰紅內消東坡尺牘以用棗或黑豆蒸熟皆損其力文與可詩亦云斷以苦竹刀蒸曝凡九為夾羅下香屑石蜜相和治然

蔓草卷之二十 何首烏 木鼈子



何首烏

則世傳七寶美髯丹其功力不專在交藤矣近時價日增而藥益偽其大者多補綴而成以余所至居處間皆紫綠雙蔓貫籬縈砌如拳如杯拋擲屑越崑山以玉抵鵲又文與可所謂蓋以多見賤蓬藿同一虧也滇南大者數十斤風戾經時肉汁獨潤然不聞有服食得上壽者豈所忌魚肉未能盡絕而炮製失其本性耶三斗栲栳大號山精滇人得之不必有緣唯博善價糴穀事育耳寇萊公服地黃蘿蔔使髮早白聞見近錄作服首烏



而食三白余怪近之服餌者髮輒易鬢殆緣於此則亦讀本草未熟也服食求仙固爲妄說節嗜通神藥乃有效醉飽中而乞靈草木南轅北轍相去益遠若其活血治風之功則明時懷州知州李治所傳一方吾以爲不妄

### 木鼈子

木鼈子開寶本草始著錄圖經云嶺南人取嫩實及苗葉作茹蒸食藥肆唯販其核形宛似鼈大如錢罪雪錄著其毒能殺人俗傳丐者用以毒狗本草綱目所列諸方宜慎用之又番木鼈形狀功用具本草綱目亦云毒狗至死

木鼈子



雲婁農曰天之生物非物物刻而雕之也然觀斯物之類斯形也其不疑爲般輪之肖物歟夫人一類也一物而備萬物者也而心不同如其面天下之人固無有內外無弗類者至人之視物則飛潛動植第以爲各從其類而已然其牝牡之相依巢穴之相聚肥磽雨露之相養彼一類也又鳥能無弗類耶乃人與物物與物又往往離於其類而互爲類虎頭燕領鷹目豺聲人之類物者亦既以其類類之而羽淵之熊使君之虎夢之爲蝶肘之生柳方其類物也不知其類人也海上之國有長尾者有比肩者有夜飛者有足如雞者有頭如狗者人之類耶物之類耶吾烏從類之耶若乃馬之似鹿也駸之似馬也獯獯之被髮也猩猩之能言也人都之燔炙也天刑之弓矢也人羨之啼也靈根之吠也海上之樹實如嬰兒也當道之梓精爲青牛也笋之爲地也瓜之爲蝶也蚓之爲百合也穀之飛蠱也葱韭之互變也凡世之以此物類彼物者皆物之異於其類而相類也夷

堅之志恢詭神異或以人類物或物類人或物類物變化不類而成怪類而鯤池之中何有無凡陸居所有之類無不類焉豈天之生物固不可測而坯陶模範非物者之物物也亦必有物焉爲之類族而成物耶九疇之錫曰五行金木水火土皆物也易之策萬有一千五百二十當萬物之數而說卦一翼乾坤艮巽震離坤兌所爲變動不居周流六虛者皆析而爲物後世術者即五行八卦之物以窮天下之物而皆能物其物如東方朔趙達及管郭輩皆以其所知之物以類所不知之物然則物之類而不類不類而類者豈非有物焉爲之參伍而錯綜其類耶通其變遂成天下之文極其數遂定天下之象造物之與開物均是物也夫天地神鬼不可端倪而致之者必以其物則非物者亦必求其物之類類之而偃師之爲人墨子之爲鳶以非其物而爲物其亦有得於物物者之物歟

又按近世信驗方治舌長數寸用番木鱉四兩刮淨

毛切片川連四錢煎水將舌浸良久即收蓋以異物治異病也

### 馬兜鈴

馬兜鈴開寶本草始著錄俗皆呼爲土青木香即唐本草獨行根也俚醫亦曰雲南根李時珍以爲



馬兜鈴

即都淋藤其形狀功用具圖經救荒本草云葉可食今湖南山中多有之唯花作笛似角上彎又似喇叭色紫黑與圖經花如枸杞花殊異其葉實及仁俱無差或一種而地產有異耶

南藤 南藤即丁公藤事具南史解叔謙得丁公藤漬酒

治母疾有神效開寶本草始著錄今江西湖南市醫皆

用以治風亦呼石南藤或作藍藤音近而訛

雋婁農曰南藤山中多有之或謂之搜山虎蓋言其疏



南藤

風入筋絡也解叔謙遇丁公純孝所感信矣但丁公者  
殆深山採藥之叟非必神仙變化而用南藤者亦未必  
自此始也顧吾謂人子平日不能知藥臨時求之而不  
得得之而不達其敢以不能名之草木相嘗試乎人神

感格渺不可憑一息之緩悔何及矣雖然天下豈有不  
悔之人子哉

威靈仙 威靈仙開寶本草始著錄有數種本草綱目

以鐵腳威靈仙堪用餘不入藥今俚醫都無分別救荒



威靈仙

本草所述形狀亦別一種今但以鐵腳者屬本草餘皆  
附草藥近時庸醫遇瘧輒用既不知其疎利過甚又不  
辨其形狀何似刺人而殺委罪於藥哀哉衍義綱目論  
之詳矣故備載以戒

零婁農曰其力勁故諺曰威其效捷故諺曰靈威靈合  
 德仙之上藥也乃祕方傳而他族滋則丹竈有外道矣  
 昔有石穴候雲氣出蹶之則飛昇相傳仙去者不知幾  
 輩矣穴之外暴骨如莽皆曰仙者之委蛻也有闕之者  
 乃巨虺之窟其雲氣則所噓之毒燄也然則世之矜曰  
 仙者將毋有蘊虺蜴之毒者耶

**黃藥子** 黃藥子開寶本草始著錄沈括以為卽爾雅  
 蠶大苦前此未有言及者其根色黃入染家用味亦不  
 甚苦藥味酸救荒本草酸桶笋卽此湖南謂之酸桿其



黃藥子一

蔓草卷之二十 黃藥子 山豆根



黃藥子二



黃藥子三

## 蔓草卷之二十 黃藥子 山豆根

莖如蓼有斑江西或謂之斑根

雲婁農曰甚矣草木之同名異物而多識之難也郭景純以甘草釋大苦而謂其葉如荷沈括駁之是矣然沈所謂黃藥者究不識其爲何產李時珍以今之黃藥當之而易荷爲薄荷則改竄而附會之矣宋圖經謂忠州萬州者莖似小桑秦州謂之紅藥施州謂之赤藥葉似蕎麥開白花已明列數種又引蘇恭葉似杏花紅白色子肉味酸之說以爲不同則又一種矣李時珍所謂黃藥卽今之酸棗滇謂之斑莊根俚醫習用或以其根浸酒滇本草云味苦澀性寒攻諸瘡毒止咽喉痛利小便走經絡治筋骨疼痛火痿手足麻木五淋白濁婦人赤白帶下治痔漏亦效與古方僅治項瘰咯血者不同然則以李時珍所據之黃藥而強以治古人所治之證其能效乎滇南又有一種與斑莊絕肖者秋深開小白花葉亦微似杏土人謂之扒毒散治惡瘡有殊效插枝卽生人家多植之或卽蘇恭所謂黃藥者歟若忠萬秦

## 山豆根

州所產吾所未見不敢臆揣然皆非沈括所謂葉似荷者滇南又別有黃藥乃極似山薯而根圓多鬚卽湖南之野山藥其白藥子亦謂之黃藥皆別圖凡以著其物狀而附以俚醫之說以見一物名同實異不敢盡以古方所用必卽此藥以貽害於後世庶合闕如之義云爾藥以產廣西者良江西湖南別有山豆皆以治喉之功得名非一種

雲婁農曰甚矣物之利於人者易於售僞而欲利人者不可不博求而致意也山豆根治喉痛舉世知之賴之然余所見江右湘滇之產味皆薄而與原圖異而原圖

山豆根



又非如小槐者不至其地烏知其是耶非耶

### 預知子

預知子開寶本草始著錄相傳取子二枚綴

衣領上遇有蠱毒則聞其有聲嘗預知之故有是名圖

經言之甚詳但謂蜀人貴重之亦難得蒙筌則謂無其

物存原圖以俟訪



雲婁農曰預知之名甚奇蒙筌次之宜矣但唐人有知  
命丸服之無疾如微覺脇痛則知數將盡服海藻湯下  
之藥能預知誠有之矣夫瀉應月桐知閨亦預知也甘  
草苦草病草皆能知歲非異卉也萋荷葉置席下能知  
蠱者姓名其預知尤足異何獨於預知子而疑之雖然

蔓草卷之二十 預知子 仙人掌草

鵝抱 獨用藤 百棧藤 天仙藤

草木預知者非一而此藤獨得預知之名則斯草之幸

也乃以預知之故既令聞者疑其名實之未副且名可

聞而實不可得見豈以世爭貴重搜掘無遺預知者乃

不能庇其本根如古之喜談休咎者之卒不免耶抑深

藏榛蕪識之者希如真有道術之士遁跡韜晦雖日雜

市販稠衆之中而終無蹤蹟者耶是皆未可知也

### 仙人掌草

圖經仙人掌草生台州筠州味微苦而澀

無毒多於石壁上貼壁而生如人掌故以名之葉細而

長春生至冬猶青無時採彼土人與甘草浸酒服治腸

痔瀉血不入衆藥使

明黃佐仙人掌賦序仙人掌者奇草也多貼石壁而生

仙人掌草



蔓草卷之二十 預知子 仙人掌 鵝抱 獨用藤 百稜藤 天仙藤

惟羅浮黃龍金沙洞有之葉勁而長若齟齬狀發苞時外類芋魁內攢瓣如翠毬各擎子珠如掌然青赤轉黃而有重殼剖之厚者在外如小椰可爲匕勺薄者在裏如銀杏衣而裹圓肉煨食之味兼芡栗可補諸虛久服輕身延年俗呼爲千歲子云移植惟宜沙土粵州書院精舍中庭後圃皆有之予以其奇賦焉

鵝抱 鵝抱宋圖經外類生宜州山林下附石治風熱咽

喉腫痛解毒箭塗熱毒

鵝抱



獨用藤 獨用藤宋圖經外類生施州葉上有倒刺主

心氣痛

獨用藤

百稜藤 百稜藤宋圖經外類生台州治風痛大風瘡

疾亦作百靈

百稜藤



天仙藤 天仙藤宋圖經外類生江淮浙東山中治疝

氣妊娠腹痛皆有方



天仙藤

金棱藤

金棱藤宋圖經外類生施州有葉無花主筋

骨疼痛

金棱藤



野豬尾

野豬尾宋圖經外類生施州有葉無花主心

氣痛解熱毒



野豬尾

杜莖山

杜莖山宋圖經外類生宜州葉似苦蕒花紫色實如枸杞味苦性寒主溫瘴寒熱煩渴頭痛心躁擣

葉酒浸絞汁服吐惡涎效

杜莖山



土紅山

土紅山宋圖經外類生福州及南恩州高八

九尺葉似枇杷而小無毛白花如粟粒味甘苦微寒主



蔓草卷之二十 金棱藤 野豬尾

杜莖山 土紅山 芥心草 含春藤 大木皮 石合草



蔓草卷之二十 金椶藤 野豬尾 杜莖山 土紅山 芥心草 含春藤 大木皮 石合草

土紅山



勞熱癩瘡搗葉酒漬服福州生者作藤似芙蓉葉上青

下白搗根治勞瘧佳

芥心草 芥心草宋圖經外類生淄州引蔓白色搗汁

治瘡疥甚效

芥心草



含春藤 含春藤宋圖經外類生台州蔓延木上治風

有效

含春藤



大木皮 大木皮宋圖經外類生施州主療一切熱毒

氣

大木皮



石合草 石合草宋圖經外類生施州纏木作藤葉為

末調貼一切惡瘡及斂瘡口

石合草



祁婆藤

祁婆藤

祁婆藤宋圖經外類生天台山主治風



瓜藤

瓜藤

瓜藤宋圖經外類生施州皮搗貼熱毒惡瘡



紫金藤

紫金藤

紫金藤宋圖經外類生福州皮主丈夫腎氣



雞翁藤

傷婦人血氣

雞翁藤

雞翁藤宋圖經外類生施州蔓延大木治勞



烈節

急痛肢節風冷作浴湯佳

烈節

烈節宋圖經外類生榮州似丁公藤而細主筋脈



馬接腳

馬接腳宋圖經外類生施州皮治筋骨疼痛

蔓草卷之二十

祁婆藤

瓜藤

紫金藤

雞翁藤

烈節

馬接腳

藤長苗

狗筋蔓

絞股藍

蔓草卷之二十 祁婆藤 瓜藤 紫金藤 雞翁藤 烈節 馬接腳 藤長苗 狗筋蔓 絞股藍

馬接腳



藤長苗

救荒本草藤長苗又名旋菜生密縣山坡中

挖蔓而生苗長三四尺餘莖有細毛葉似滴滴金葉而窄小頭頗齊開五瓣粉紅大花根似打碗花根根葉皆

藤長苗



味甜採嫩苗葉煤熱水浸淘淨油鹽調食掘根換水煮熟亦可食

狗筋蔓

救荒本草狗筋蔓生中牟縣沙岡間小科就

地挖蔓生葉似狗掉尾葉而短小又似月芽菜葉微尖脣而軟亦多紋脈兩葉對生梢間開白花其葉味苦採葉煤熱水浸淘去苦味油鹽調食

狗筋蔓



絞股藍

救荒本草絞股藍生田野中延蔓而生葉似

小藍葉短小軟薄邊有鋸齒又似痢見草葉亦軟淡綠五葉攢生一處開小花黃色又有開白花者結子如豌豆大生則青色熟則紫黑色葉味甜採葉煤熱水浸去

邪味涎沫淘洗淨油鹽調食

絞股藍



牛皮消

救荒本草牛皮消生密縣野中挖蔓而生藤

牛皮消



蔓長四五尺葉似馬兜鈴葉寬大而薄又似何首烏葉亦寬大開白花結小角兒根類葛根而細小皮黑肉白味苦採葉煤熱水浸去苦味油鹽調食及取根去黑皮切作片換水煮去苦味淘洗淨再以水煮極熟食之

豬腰子

豬腰子本草綱目始著錄生柳州蔓生結莢

色紫肉堅長三四寸主一切瘡毒

豬腰子



九仙子

九仙子本草綱目收之出均州太和山治咽

喉痛散血

蔓草卷之二十

牛皮消

豬腰子

九仙子

杏葉草

明州天花粉

台州天壽根

蔓草卷之二十 牛皮消 豬腰子 九仙子 杏葉草 明州天花粉 台州天壽根

九仙子



杏葉草

圖經杏葉草生常州味酸無毒主腸痔下血  
久不差者一名金盞草蔓生籬下葉葉相對秋後有子  
如雞頭實其中變生一小蟲子脫而能行中夏採花用

按圖非近時金盞花

杏葉草



明州天花粉

宋圖經天花粉生明州味苦寒毒主消  
渴身熱煩滿大熱補氣安中續絕傷除腸中固熱八疸  
身面黃唇乾口燥短氣通月水止小便利十一月十二  
月採根用 按此云毒與瓜萋根或異類

明州天花粉



台州天壽根

宋圖經天壽根出台州每歲土貢其性  
涼堪治胸膈煩熱彼土人常用有效

台州天壽根



老鶴筋

救荒本草老鶴筋生田野中就地挖秧而生  
莖微紫色莖又繁稠葉似園荇葉而頭不尖又似野胡  
蘿蔔葉而短小葉間開五瓣小黃花味甜採嫩苗葉燻  
熱水浸去邪味淘洗淨油鹽調食

老鶴筋



木羊角科

救荒本草木羊角科又名羊桃一名小桃  
花生荒野中紫莖葉似初生桃葉光俊色微帶黃枝間  
開紅白花結角似豇豆角甚細而尖脩每兩角並生一  
處味微苦酸採嫩梢葉燻熱水浸淘淨油鹽調食嫩角  
亦可燻食 按本草所述羊桃皆獼猴桃黔中以膠石

者亦是其類造紙者所用又一種樹此羊桃形狀正與  
陸疏符合

木羊角科



# 植物名實圖考卷之二十一

固始吳其濬著

蒙自陸應穀校刊

蔓草類

奶樹

尋骨風

鐵掃帚

倒掛藤

大順筋藤

刺犁頭

酸藤

野西瓜

鱧魚鬚

金蓮花

土青木香

內風藤

涼帽纓

白龍鬚

無名一種

透骨消

野苦瓜

鮎魚鬚

金線吊烏龜

小金瓜

馬蹄草

碧綠藤

血藤

白馬骨

白心皮

候風藤

洋條藤

月季

酴醾

黃酴醾

十姊妹

轉子蓮

瓜耳草

金雞腿

黃鱔藤

錦雞兒

無名一種

白花藤

拉拉藤

玫瑰

佛見笑

縑絲花

木香

奶樹

奶樹產南安蔓生四葉攢聚莖端綠苞開紫筒子

花如牽牛而短瓣苞下復有青蒂秋結實有子蔓中白

汁極濃氣臭根黃白色橫紋如上黨人瘦肥圓有瘰癧

奶樹



大如拳廣信土呼山海螺象其根形又名乳夫人氣味甘熱土人採根發乳汁湖南衡山亦有之極易繁衍但醫呼爲牛附子能壯陽道 按南越筆記有乳藤如懸鉤倒掛葉尖而長斷之有白汁如乳婦人產後以藤搗汁和米作粥食之乳腫自通皆此類也

土青木香

土青木香長沙山坡間有之蔓生細莖葉

實皆與馬兜鈴同根黃瘦亦有香氣但醫以清火毒通滯氣唯開花作笛子形本小末大彎如牛角尖梢上翹紫黑頗濃中露黃蕊與馬兜鈴開花如枸杞者迥別

土青木香



尋骨風

尋骨風湖南岳州有之蔓生葉如羅摩柔厚

尋骨風



蔓草卷之二十一 土青木香 尋骨風 內風藤 鐵掃帚 涼帽纓



蔓草卷之二十一 土青木香 尋骨風 內風藤 鐵掃帚 涼帽纓

多毛面綠背白秋結實六棱似使君子子色青黑子如豆

內風藤

內風藤生湖南山坡橫根引蔓俱赭色葉如

柳葉有光而韌以治內風故名

內風藤



鐵掃帚

鐵掃帚產建昌山中蔓生綠莖柔細糾結葉

長幾寸後圓有缺末尖相距稀闊細根硬鬚赭色稠密

俚醫以爲行血通骨節之藥用根煎酒服

涼帽纓

涼帽纓生南安細莖蔓生葉大如大指圓長

有尖淡赭根蓬鬆如纓故名俚醫以治喉痛消腫毒氣

味平溫喉痛一作喉病

涼帽纓



涼帽纓



倒掛藤

本草拾遺倒掛藤味苦無毒主一切老血及產後諸疾結痛血上欲死煮汁服生深山如懸鉤有逆刺倒掛於樹葉尖而長也 按湖南嶽麓山有藤土名倒掛金鈎形狀正與此合俚醫以為散血達表之藥主治亦同



倒掛藤

白龍鬚

白龍鬚生長沙山中綠莖細長對葉疎闊葉如子午花葉而尖瘦細紋無鋸齒長根如蜈蚣形四周密鬚如細辛牛膝俚醫以治痰氣 按宋圖經白前根

長於細辛今用蔓生者味苦非真疑即此蔓生者



白龍鬚

大順筋藤

大順筋藤生長沙嶽麓綠莖節弱蔓細

大順筋藤



蔓草卷之二十一 倒掛藤 白龍鬚 大順筋藤 無名一種 刺犁頭 透骨消

無名一種

圓長葉寸許本寬腰細近梢長勻出尖面黃綠背青白有直紋數縷葉際出短莖開五瓣小赭色花一莖一花根鬚繁稠似牛膝而瘦俚醫以治筋骨通關節

饒州園圃籬落間有之蔓生細莖長葉本圓如馬蹄末尖開五瓣小紫花成簇極似枸杞 按宋圖經云馬兜鈴花如枸杞今馬兜鈴之名不一凡圓實成串皆名之此豈花如枸杞之一種耶



無名一種

刺犁頭

刺犁頭一名地不過一名急改索一名退血

透骨消

透骨消產南安形狀俱同赤地利唯赤莖為異俚醫以治損傷活血止痛通關節蓋一種也 按李時珍以五毒草赤地利併為一條但蔓草似蕎麥者亦非一類色味既別稱名互異其外科敷洗大略相通若


草江西湖南多有之蔓生細莖微刺茸密莖葉俱似蕎麥開小粉紅花成簇無瓣結碧實有稜不甚圓每分枝處有圓葉一片似蓼江西刺船者多蓄之以為浴湯云暑月無瘡癩湖南俚醫以為行血氣治淋濁之藥 按宋圖經成德軍所產草薺葉似蕎麥子三稜殆即此草其主治去濕通利亦與草薺相近

刺犁頭



入飲劑則經絡須分故並存以俟詳考

透骨消



酸藤 酸藤產建昌蔓生綠莖赤節參差生葉葉圓有缺

酸藤



蔓草卷之二十一

酸藤

野苦瓜

野西瓜

鮎魚鬚

鮎魚鬚

末尖鋸齒深刻對葉發短枝開小白花如粟結實大於龍葵生青碧熟深紫土人以洗疔毒

野苦瓜

野苦瓜產建昌蔓生細莖一葉一鬚葉作三角有疎齒微似苦瓜葉無花杈就莖發小枝結青實有

汁大如衣扣故又名扣子草俚醫以治魚口便毒為洗藥



野苦瓜

野西瓜

野西瓜贛南山坡中有之蔓延林薄細莖長鬚葉作五叉似西瓜絲瓜葉大者可寸許秋結青白實

宛如蓮子捻之中斷內有清汁俚醫以治火瘡取漿收

蔓草卷之二十一 酸藤 野苦瓜 野西瓜 鮎魚鬚 鮎魚鬚

貯敷用

野西瓜



鮎魚鬚

救荒本草鮎魚鬚一名龍鬚菜生鄭州賈峪

山及新鄭山野中亦有之初生發筍其後延蔓生莖發葉每葉間皆分出一小叉及出一絲蔓葉似土茜葉而大又似金剛刺葉亦似牛尾菜葉不澀而光澤味甘採嫩筍葉煤熱油鹽調食 按簡易草藥金崗藤本名鮎魚鬚溫平無毒可做小菜喫能通筋血去死血消腫痛又湖北志鮎魚鬚藤本初生苗土中色紫巔拳曲若魚

鬚炒肉殊妙



鮎魚鬚

鮎魚鬚

鮎魚鬚生建昌蔓生有節葉如竹葉紫根多



鮎魚鬚

鬚土醫以治熱鮎魚鬚以蔓名此以根名

### 金線弔烏龜

金線弔烏龜江西湖南皆有之一名山

烏龜蔓生細藤微赤葉如小荷葉而後半不圓末有微

尖長梗在葉中似金蓮花葉附莖開細紅白花結長圓

實如豆成簇生青熟紅黃色根大如拳 按陳藏器云

又一種似荷葉只大如錢許亦呼爲千金藤當即是此

患齒痛者切其根貼齦上即愈兼能補腎養陰爲俚醫

要藥

金線弔烏龜



### 金蓮花

金蓮花直隸圃中有之蔓生綠莖脆嫩圓葉

如荷大如荇葉開五瓣紅花長鬚茸花足有短柄橫

翹如鳥尾京師俗呼大紅鳥山西五臺尤多以爲佛地

靈葩性寒或乾其花入茶甌中插枝即生不喜驕陽山

西通志金蓮花一名金芙蓉一名旱地蓮出清涼山金

世宗嘗幸金蓮川周伯琦紀行詩跋金蓮川草多異花

有名金蓮花者似荷而黃即此種也

### 小金瓜

小金瓜長沙圃中多植之蔓生葉似苦瓜而

小亦少花秋結實如金瓜累累成簇如雞心柿而更



金蓮花

蔓草卷之二十一 金線弔烏龜 金蓮花 小金瓜 馬蹄草 瓜耳草

小亦不正圓寧鄉縣志作喜報三元從俗也或云番椒  
屬其青脆時以鹽醋燻之可食大抵以供几案賞其紅  
潤然不過三五日即腐



小金瓜

馬蹄草


馬蹄草江西湖南皆有之綠莖細弱蔓生對

葉葉大於錢末微尖後缺如馬蹄圓齒光潤莖近土即

生鬚俚醫以為跌打損傷要藥雖傷重擣敷即愈故又

名透骨消


馬蹄草



瓜耳草

瓜耳草江西山坡有之赭莖長條挺立不附

莖傍發枝排生圓葉微似豆葉厚綠茸茸中有白紋一



瓜耳草

線土人以治跌打酒煎服但未數見不得確名

碧綠藤 碧綠藤江西廣饒山坡有之莖葉碧綠一色

枝頭葉稍長餘葉正圓面綠背淡疎紋細齒土人以藤

煎水洗紅腫有效 按南城縣志有銅錢樹葉圓如錢

此殆肖之

碧綠藤



金雞腿 金雞腿產建昌一名日日新叢生長條糾結

交互似月季花莖而無刺葉亦相類微小俚醫以為壯

精行血之藥

蔓草卷之二十一 碧綠藤 金雞腿 血藤 黃鱗藤 白馬骨

金雞腿



血藤 血藤產九江山坡蔓生勁莖赭色一枝一鬚附枝

生葉如菊花葉柔厚有花叉而未不尖面綠背白春時

血藤





枝梢開花如簇金粟與千年健同名血藤

### 黃鱔藤

黃鱔藤產寧都長莖黑褐色根紋斑駁起粟

黑黃如鱔魚形故名葉如薄荷無鋸齒而勁主治漂蛇

毒

黃鱔藤



### 白馬骨

本草拾遺白馬骨無毒主惡瘡和黃連細辛

白調牛膝雞桑皮黃荊等燒末淋汁取治癩癧惡瘡蝕

息肉白癩風揩破塗之又單取莖葉煮汁服止水痢生

江東似石榴而短小對節 按白馬骨本草綱目入於

有名未用今建昌土醫以治熱證瘡痔婦人白帶余取

視之即六月雪小葉白花矮科木莖與拾遺所述形狀

頗肖蓋一草也寧鄉縣志六月雪俗呼路邊金生原隔

間夏開白花節可治小兒驚風腹痛枝燒灰可點翳根

煮雞子可治齒痛花鏡六月雪六月開細白花樹最小

而枝葉扶疎大有逸致可作盆玩喜清陰畏太陽深山

叢木之下多有之春間分種或黃梅雨時扦插宜澆淺

茶其性喜陰故所主皆熱證寧都州志疑即圖經曲節

草一名六月霜與圖形殊不類

白馬骨



錦雞兒

救荒本草壩齒花本名錦雞兒又名醬瓣子

生山野間中州人家園宅間亦多栽葉似枸杞子葉而

小每四葉攢生一處枝梗亦似枸杞有小刺開黃花狀

類雞形結小角兒味甜採花燂熟油鹽調食炒熟喫茶

亦可 按此草江西湖南多有之摘其花炒雞蛋色味

皆美云或呼黃雀花俚醫以為滋陰補陽之藥花蒸雞

蛋治頭痛根去皮煮豬心治癆證滇南本草金雀花味

勞傷長涼發熱勞熱咳嗽婦人白帶日久氣虛下陷耳

效頭暈耳鳴腰膝酸疼一切虛損服之效此性不熱不

羸或燂雞 猪肉食

錦雞兒



白心皮

白心皮生長沙山坡叢生細莖高尺餘附莖

四葉攢生一處葉小如雞眼草葉葉間密刺長三四分

自根至梢葉刺四面抱生無著手處橫根無鬚褐黑色

俚醫以為補筋骨之藥

白心皮



無名一種

饒州園圃中有之叢生長條密葉如六月雪葉三四月

間開小白花圓瓣五出黃心稠密滿枝

蔓草卷之二十一

錦雞兒

白心皮

無名一種

候風藤

白花藤

蔓草卷之二十一 錦雞兒 白心皮 無名一種 候風藤 白花藤

無名一種



候風藤 候風藤南康山田腔上多有之長莖叢生高

候風藤



三四尺不作藤蔓葉如木樨葉面青綠背黃白有赭紋  
春開白花下垂如橘柚花長瓣五出反卷向上中突出  
黃蕊一簇

白花藤 白花藤江西廣饒極多蔓延墻垣與薜荔雜

廁葉光滑如橘凌冬不凋開五瓣白花形如卍字土人  
無識之者 按唐本草有白花藤葉似女貞莖葉無毛  
頗相似但白花並無形狀而蜀本又云葉有細毛亦自  
不同未敢合併滇南謂之山豇豆結角長幾尺色紫紅  
正如豇豆炒食甚香兒童嗜之

附程徵君瑤田圖芄蘭花記

嘉慶三年三月廿日立夏其明日訪芄蘭於定光寺

僧寮後山花正大放此藤本花葉濃密可謂莖條而  
結繁矣其藤繚曲紛亂對節生葉亦對節歧出生條  
開花歧條兩股或一股生葉一股生花整齊之中復  
參差有致生花一股又必再出歧條然後相對生花  
其生葉一股亦必再出歧條亦又相對生花其花必

小抽歧莖而生兩花 去秋所見結實者亦莖末對生兩角 總之歧葉

歧條歧花每出必歧如兩儀四象八卦之生生不已也其花五出遍繞周遭而中成一孔空空如也不見心亦不見鬚然五出同本本一作苞剝開中藏五鬚共繞一心其心蓋卽結角生芄蘭之仁也世人以其偏繞成形如卍字故呼卍字花而誤以爲四出又呼車輪花亦象其形也其花苞有足承之所謂鄂不也亦五出如末利之花鄂相承然茲不畫其藤葉畫正面五出者一又畫背面連鄂者一以爲多識之一助云

按徵君所述並圖卽此野豇豆也花作卍字藤本濃葉其角雙生皆與此畢肖而非芄蘭也蓋徵君前所見如羊角莢子戴白茶者是芄蘭後詢之靈山人云俗呼卍字花不知卽此豆因以僧寮所見謂爲芄蘭而未嘗審其葉蔓剖看其莢也芄蘭蔓草經冬卽枯花開於夏秋 徵君自注亦以花開時爲疑 莢折於霜南方間有之



白花藤

園圃中無是物也野豇豆藤本耐寒花開於春莢著於夏墻頭籬角無不延緣余嘗訪之江右人家多不知其名滇人知食其實故以爲野豇豆芄蘭之名旣非野人所知其花甚微而徵君獨索觀其花宜爲不識芄蘭者姑妄對之矣若見北人而訪以羊角科南人而訪以婆婆針線包則必以所知告又一種石血藤其莢長尺與芄蘭子茶同而葉瘦硬秋時色紅如血未見其花與徵君所圖葉本團末狹經冬不黃落者亦非類

洋條藤

洋條藤產南贛山中蔓生細莖淡紅圓節一

葉一鬚葉如鳳仙花葉而寬鋸齒亦深面綠細紋中

有紫白縷一道背邊緣中紫亦有白紋俚醫以治婦

科紅白崩帶同大蕨煎酒服



洋條藤

拉拉藤

拉拉藤到處有之蔓生有毛刺人衣其長至

數尺糾結如亂絲五六葉攢生一處葉間梢頭春結青

實如粟 按救荒本草蓬子菜形狀頗類雲南呼八仙

草俚方用之 滇南本草八仙草味辛苦性微寒入少陽  
太陰二經治脾經濕熱諸經客緊男婦症筋

骨疼痛走小腸經治五種熱淋利小便赤白濁玉壘痔  
痛退血分煩熱止小便血滑石二錢甘草一錢八仙草  
三錢雙泉草二錢  
點酒少許煎服

拉拉藤



月季

益部方物記花亘四時月一披秀寒暑不改似固

常守右月季花此花即東方所謂四季花者翠蔓紅蕊

蜀少霜雪此花得終歲十二月輒一開 按南越筆記

月貴花似茶藤月月開故名月貴一名記有深淺紅二

色據此則月季乃月貴月記之訛宋子京原本當是月

貴也本草綱目李時珍曰月季花處處人家多栽插之

亦薔薇類也青莖長蔓硬刺葉小於薔薇而花深紅千葉厚瓣逐月開放不結子也氣味甘溫無毒主治活血消腫傳毒瘰癧未破用月季花頭二錢沈香五錢芫花炒三錢碎剉入大鯽魚腹中就以魚腸封固酒水各一盞煮熟食之即愈魚須安糞水內游死者方效此是家傳方活人多矣出談楚翁試驗方



月季

玫瑰

敬齋古今註張祜詠薔薇花云曉風採盡燕支顛

夜雨催成蜀錦機當晝開時正明媚故鄉疑是買臣歸



玫瑰

薔薇花正黃而此詩專言紅蓋此花故有紅黃二種今則以黃者為薔薇紅紫者為玫瑰云

羣芳譜玫瑰一名徘徊灌生細葉多刺類薔薇莖短花亦類薔薇色淡紫青鄂黃葉瓣末白點中有黃者稍小於紫嵩山深處有碧色者 花史曰宋時宮中採花雜腦麝作香囊氣甚清香花鏡玫瑰香膩馥郁愈乾愈烈每抽新條則老本易枯須速將根旁嫩條移植別所則老本仍茂故俗呼雌娘草此花之用最廣因其香美或

作扇墜香囊或以糖霜同烏梅搗爛名玫瑰糖收於甕  
瓶內曝過經年色香不變 按李時珍謂玫瑰不入藥  
今人有謂性熱動火氣香平肝亦非無徵

**醑醑** 格物總論曰醑醑花藤身青莖多刺每一穎著三

葉葉面光綠背翠多缺刻

羣芳譜曰一名獨步春一名百宜枝一名瓊綬帶一名  
雪纓絡一名沈香蜜友大朵千瓣香微而清本名茶藤

醑醑



一種色黃似酒故加酉字唐時寒食宴宰相用醑醑酒

**佛見笑**

佛見笑茶藤別種也大朵千瓣青跗紅萼及

大放則純白

佛見笑



**黃醑醑**

益部方物記人情尙奇賤白貴黃厥英略同

實寡于香右黃醑醑蜀茶藤多白而黃者時時有之但  
香減於白花

黃 餘 臘



縹絲花

縹絲花一名刺蘼葉圓細而青花儼如玫瑰



縹絲花

色淺紫而無香枝等皆有刺針每逢煮繭縹絲時花始開放故有此名二月中根可分栽

十姊妹

花鏡十姊妹又名七姊妹花似薔薇而小千

葉馨口一萼十花或七花故有此二名色有紅白紫淡四樣正月移栽或八九月扦插末有不活者



十姊妹

木香

花鏡木香一名錦棚兒藤蔓附木葉比薔薇更細

小而繁四月初開花每穎三葉極其香甜可愛者是紫心小白花若黃花則不香即青心大白花者香味亦不

蔓草卷之二十一

縹絲花

十姊妹

木香 轉子蓮



蔓草卷之二十一 繅絲花 十姊妹 木香 轉子蓮



木香

及至若高架萬條望如香雪亦不下於薔薇翦條扞種  
亦可但不易活惟攀條入土壅泥壓護待其根長自本  
生枝外翦斷移栽即活臚中糞之二年大盛  
曲洧舊聞木香有二種俗說檀心者號醅醪不知何所  
據也京師初無此花始禁中有數架花時民間或得之  
相贈遺號禁花今則盛矣

轉子蓮

轉子蓮饒州水濱有之蔓生拖引長可盈丈

柔莖對節附節生葉或發小枝一枝三葉似金櫻子葉

而光無齒面綠背淡僅有直紋枝頭開五瓣白花似海  
梔而大背淡紫色瓣外內皆有直縷一道兩邊線隆起  
或云有毒不可服食

轉子蓮



# 植物名實圖考卷之二十二

固始吳其濬著

蒙自陸應穀校刊

## 蔓草類

兔絲子 又一種

蓬蘽 二圖

覆盆子

營實 牆靡 二圖

茜草

白兔藿

栝樓 二圖

百部

通草 今木通

黃環

五味子

天門冬 二圖

旋花 二圖

白英

絡石

紫葳

王瓜

葛 二圖

防己

羊桃 三圖

白斂

忍冬

葶藶 二圖

鉤藤

牽牛子

地不容

落鴈木

蘿藦

紫葛

葎草

赭魁

千歲藹

菝葜

蛇莓

女萎

白藥

解毒子

赤地利

烏薺苳

## 兔絲子

兔絲本經上品北地至多尤喜生園圃菜豆

被其糾縛輒卷曲就瘞浮波羃歷萬縷金衣既無根可

尋亦寸斷復蘇初開白花作包細瓣反卷如石榴狀旋

即結子椽聚纍纍人亦取其嫩蔓油鹽調食詩云采唐

或卽以此江以南罕復見之

雩婁農曰唐蒙女蘿女蘿兔絲又蒙玉女一物而五名  
本草兔絲草上品松蘿木中品又云一名女蘿廣雅女  
蘿松蘿兔絲兔邱雖分二物而松蘿復冒女蘿之名陸  
璣詩疏菟絲蔓連草上生色黃赤如金非松蘿松蘿正  
青與菟絲異辨別甚晰詩薦與女蘿傳云女蘿兔絲松  
蘿則兔絲又可稱松蘿不止五名矣詩釋文則云在木  
曰松蘿在草曰兔絲直以爲一物而二種考本草雖載  
松蘿性味而圖經以爲近世不復入藥亦無採者則卽  
陸氏所云色正青者亦不知其爲何物今人以施於松  
上綠蔓赤花俗名薦蘿松者爲松蘿未敢定爲本經之  
松蘿也廣雅疏證據呂氏春秋淮南子茯苓菟絲之說  
謂兔絲亦生於松上據漢書豐草婁女蘿施女蘿亦生  
於草上今生兔絲之處不盡有松而產茯苓之深山僻  
藪尤無從稔其有兔絲與否古書傳疑莫能確定大抵  
草木同名無妨兼通而形狀不具則從蓋闕若古詩菟

絲附女蘿則但言無根之物依附難久以意逆志無取  
刻舟若謂兔絲又復寄生松蘿則直糾纏無了時矣

兔絲子



### 菟絲子

菟絲子本經上品爾雅唐蒙女蘿女蘿菟絲  
今北地荒野中多有之藥肆以其子爲餅製法具本草

### 綱目

雩婁農曰爾雅唐蒙女蘿女蘿兔絲又曰蒙玉女釋者  
以爲五名一物陸元恪謂女蘿非松蘿松蘿自蔓延松  
上枝正青與兔絲異詩有唐蒙女蘿無菟絲故爾雅以  
菟絲釋之其義明顯矣菟絲入藥人皆知之蔓細如絲

而色黃松蘿蔓松上必不能如菟絲之細而色正青二物自異本草以松蘿入木已有區別特經傳無松蘿之名而醫方亦不甚用故知之者少楚詞被薜荔兮帶女蘿本草松蘿一名女蘿草木同名相沿至多古詩菟絲附女蘿此女蘿自是松蘿非菟絲之一名女蘿也蔦與女蘿毛傳以菟絲松蘿爲一所見與陸疏異陸云非松蘿正駁毛義耳古詩菟絲花女蘿樹而云同一根者蓋皆寄生浮蔓一附於草一附于木同爲無根而所附異耳詩人之言未可膠滯若謂女蘿有寄生菟絲上者故

菟絲子



五味子

爾雅以爲一物此則糾纏無了時矣

五味子本經上品爾雅味莖蒨注五味也唐

本草注以皮肉核五味具故名以北產者良

雲婁農曰五味子具五味爾雅名之曰葇蓋農皇之所錫矣草木兩釋殆重之歟然味雖具五而性專於斂猶人具五行之秀而毗於剛柔陰陽此亦各有真性情也夫草木非大毒不僅一味人非大惡不盡僻性嘗藥者品其味而知所專既施之於散斂補瀉而因其所兼之味以爲緩急輕重則其功且可旁及故一藥治一病而不僅治一病人者別其性而知其所毗既試之寬猛文武而必悉其所全之性以備任使輔翼則其功且可兼綜故一人治一事而不僅治一事也三代後知人者無如漢高王陵臆陳平智而皆屬以爲相周勃少文知其安劉以爲太尉其人不同而付托者一蓋知其材力所及而又知其真性情矣自古人主將相能用人者無不灼知其人之性情故雖博取宏攬而逆料其成敗得

失如燭照數計而龜卜而藻鑑人倫若郭林宗輩則又  
如良醫品藥雖分兩錙銖皆不少差此固有得之於心  
而有不能以言傳者若用盧杞呂惠卿而不知其奸邪  
是誠不知其真性情而如褚彥回馮道等則直無真性  
情者也世之草木投之而卽生嚙之而無味者多矣造  
物意所不屬而力所不及雖農皇亦不能定其上下之  
品乃有庸醫欲用之以試人之生死則不知用者之罪  
抑爲所用者之罪矣



五味子

蓬蘽 蓬蘽本經上品今廢圃離落間極繁秋結實如桑  
椹湖廣通呼烏泡果泡卽蔗之訛爾雅蔗蔗注蔗卽莓  
也今江東呼爲蔗莓子似覆盆而大赤酢甜可啖卽此  
類也湖南俚醫端午日取其葉陰乾六月六日研爲末  
以治刀傷名曰具龍丹李時珍以苗葉功用似覆盆未  
的

零婁農曰史記述老子之言曰得時則駕不得時則蓬  
累而行釋者皆不甚詳禮曰環堵之室蓬戶甕牖飛蓬



蓬蘽一

不可爲戶余常湖湘澧下豫章崎嶇行萬山中每見谷口繚復蓬蘼塞徑未嘗不念此中或有異人顧巖阿中累石藉樹藤蔓交垂居人出入披長條而攀蒙密無異排闥而數闔也入我室者唯有清風履我闥者唯有明月蕭條踽涼至此極矣然則蓬累而行蓋巖棲之士唯恐入林不深而蓬戶者亦貧家寥羅補屋之景况耳宋之隱士如种放者至煩朝廷圖其別墅營園林而勤封殖烏能甘寂寞長貧賤哉



蓬蘼二

## 天門冬

天門冬本經上品爾雅藹藹冬注一名滿冬本草云今本草無滿冬之名有大小二種曰顛棘曰

天門冬一



浣草皆一類也救荒本草根可煮食今多人蜜煎湖南俚醫用以拔疔毒隱其名曰白羅杉醫方所不載零婁農曰杜拾遺詩天棘蔓青絲天棘卽顛棘目曰青絲體物之瀏亮也古人階前多種藥故曰藥欄非唯養生有資亦多識之一助注詩者糾纏辨駁固由讀書未半袁豹亦緣未知善藥不可離手也



天門冬二

### 覆盆子

覆盆子別錄上品爾雅荑缺盆注覆盆也疏  
 據本草注以蓬蘽爲覆盆之苗覆盆爲蓬蘽之子誤合  
 爲一物四月實熟色赤本草綱目謂之插田蘆覆盆蓬  
 蘽本草綱目分別甚晰考東坡尺牘覆盆子土人謂之  
 插秧莓三四月花五六月熟市人賣者乃是花鴨莓九  
 月熟則蓬蘽即花鴨莓矣然此謂中原節候耳江湖間  
 覆盆三四月即熟蓬蘽七月已熟自長沙以西南山中  
 莓子既多又大同小異滇南有黑瑣梅黃瑣梅紅瑣梅

白瑣梅皆三四月熟兒童摘食以爲果梅即莓瑣者其  
 子細瑣也志書多以黑瑣梅爲覆盆按形與李說亦不  
 甚符滇本草以黃瑣梅根爲鑽地風用治風頗廣又別  
 出覆盆也

覆盆子




### 旋花

旋花本經上品爾雅葍葍陸璣詩疏幽州人謂之  
 燕葍今北地俗語猶爾救荒本草謂之葍子根根可煮  
 食有赤白二種亦者以飼猪亦曰鼓子花千葉者曰纏  
 枝牡丹今南方葍菜花葉與此無小異唯根短耳

雲婁農曰古者農生九穀而園圃毓草木凡漆林梧櫨染草果蔬資生之物皆相土宜而種之不僅蒔蔬供食也爾風築場圃曰食瓜曰斷壺曰煮葵曰祭韭蓋古時園人所種之蔬如是而已芣苢卷耳蘋蘩荇藻之屬無不采於水陸菑爲惡菜流離者采之然祭祀之籩豆朝事之饋食若苾若芹若昌本若茆皆非出於種植者何也蓋野蔌得自然之氣無糞穢之培既昭其潔以交神明而朝會燕饗不廢婦稚之所拮据則民間疾苦君相

旋花一



旋花二



無時而不與共又况五行五氣應候而萌以和膳食之宜助舒斂而消疹戾其益大矣後世園官菜把務爲新美一切溫養之物皆糶緇火以迫其生金蔬玉菜最足動宿痾而引時癘至如豆粥韭萍以侈相尙方丈朵頤都非正味又烏知民間有掘鼠果而覓鳧此者耶東坡詩云我與何會同一飽吾以爲日食萬錢猶云無下箸處彼蓋未嘗飽也北地春遲少蟲豸之毒筠藍挑菜塵釜生香清虛之氣臟神安焉南方地沮濕多蛇虺候早而生速然野菜之箋非江南士大夫所膾炙而詠嘆者哉其序曰病骨癯骸非此無以養其冲和擊鮮嚼肥非



此無以解其腥羶誠有味乎言之矣又曾見跋齊民要術書者曰此僖父所食而賞其多奇字噫彼縱能識字其與不能辨菽麥何不食肉糜者相去間一寸哉

營實牆藤

營實牆藤本經上品蜀本草云卽薔薇也  
有赤白二種白者入藥良湖南通呼爲刺花俗語謂刺爲勒音之轉也救荒本草採嫩芽葉燂熟食之產外國者製爲露香能耐久今吳中摘花蒸之亦清香能祛熱  
粵婁農曰薔薇露始於海舶蓋帷薄中物也宋時重之

營實牆藤一



營實牆藤二

蔡條竄譎中猶津津言之不置殆其父子昆弟平日阿諛容悅比之婦寺孜孜以奇異纖瑣之物引其君於花石玩好以爲希榮固寵之計其家人目見耳濡以不能寶遠物辨真僞爲恥以恤民艱圖國事爲迂濶而相姍笑黃雀螳螂自謂無患而不知挾彈黏竊者隨其後而捕逐也然其錮蔽已深雖至家國蕩析不知怨艾而計較其昔時所寶貴者猶怡然自詡其賞玩之不謬以爲彼談民依勵清節者皆田舍翁窮措大耳烏足以知此

嗚呼玩物之喪人至此哉或謂海外蓄薇得霜雪則益香故爲露逾於中華不知彼地燠熱花之有臭者經寒乃清冽而耐久南中橘柚至燕薊亦芬馥逾於所產物理之常亦烏足異彼斤斤於耳目嗜好者誠哉夏蟲不可語冰而醜雞甕天安知宇宙之大也

**白英** 白英本經上品爾雅符鬼目卽此一名排風子吳志曰鬼目菜齊民要術誤以爲嶺南鬼目果湖南謂之望冬紅俚醫以爲治腰痛要藥其嫩葉味酸可作茹老



白英

根生者葉大有五椹凌冬不枯春時就根生葉吳志所云綠樹長丈餘葉廣四寸厚三分不足異也

雲婁農曰白英有毛而酸貧者食之溷人呼爲酸尖菜天下多貧人故雖廣谷大川民生異宜而貧者必知貧者之食亦漸濡使然也古之賢者皆曰富而能貧夫能者非獨能甘淡薄也蓋必設身處地洞悉艱難故當其境則曰素富貴素貧賤不當其境則曰可富可貴可貧可賤唐有世閥子弟羅兵而飢餓者或憐而予之食不能咽曰此烟火氣烏可食又僮父見食笱者問諸其人曰此卽竹也歸而煮其牀腳不熟若此人者處貧而不知貧者之食不將俟其轉乎溝壑哉

**茜草** 茜草本經上品爾雅茹蘆茅蒐注今之荷也俗呼爲血見愁亦曰風車草說文以爲人血所化救荒本草土茜苗葉可燻食子紅熟可食湖南謂之鋸子草又一種葉圓稍大謂之金線草南安謂之紅絲線二種通用今甘肅用以染象牙色極鮮謂之茜牙陶隱居謂東方

有而少不如西方多蓋謂此

雲婁農曰地官掌染草以春秋歛染草之物以權量受之以待時而頒之注染草茅蒐藁蘆豕首紫荊之屬此以見古聖人於一草一木無不經營擘畫以盡其材而別服色明等威禁奇褻於五色所尚尤斷斷不使間之奪正焉述異記云洛陽有支茜園漢官儀染園出支茜供染御服是其處漢制去古未遠至貨殖傳千畝支茜其人與千戶侯等則世風漸侈服制無等而民有擅其利者矣近世色益華而染物亦屢變范子計然云蒨根出北地赤色者善陸元恪云齊人謂之茜徐州人謂之牛蔓今河南北皆不種茜多以紅藍爲業惟陝甘以染牙物著稱李時珍遂據陶隱居東間諸處乃有而少不如西多之語謂茜字從西以此亦王氏之字說矣茜之色不如紅藍故朱色至紅藍而極爾雅翼云今人染蒨者乃假蘇方木非古所用近嶺南者皆仰蒨舶蘇方不以供染然一入再入卽以紅藍染之色乃殷紅若蘇

方木紫黯無華不能敵茜色也又西域記康巴拉撒之南春結一帶產蒨菜茜菜則茜盛於西方且以作茹不  
僅供染而已

茜草



絡石 絡石本經上品湖廣江西極多陳藏器以圓葉爲

絡石尖葉一頭紅者爲石血今從之

雲婁農曰絡石生石壁壞墻上蔓而有直幹本經以爲上藥蓋蒨屬象人筋絡其耐霜雪者性必溫風之不搖則却風淫而色如血者卽人血人肖天地百物肖人以

物治人即以人治人人食味別聲被色而生聖人亦以食聲色之相類者生之無他道也故曰行所無事

格五



### 白兔藿

白兔藿本經上品陶隱居云人不復用亦無

識者唐本草以為白葛葉似蘿摩蜀本草以為葉圓如專

粵婁農曰吾讀本草注謂白兔食藿得仙而啞然也考神仙書皆謂仙人有爵秩名位尊卑職事太虛青曾之中亦復勞形案牘貴賤相檢亦烏取乎逍遙六合之外

哉韓子云上界足官府蓋譏之也若鶴鹿駐驢及趨趨者皆得飛昇則天門誅蕩亦為飛走者排擠矣道家又謂鹿鶴為仙人騏驥夫深山大壑俛啄仰鳴猿獐狉狉自適已甚乃以仙故致受磬控而縛羈勒亦何樂乎其為仙耶

白兔藿



### 紫葳

紫葳即凌霄花本經中品唐本草注引爾雅荝陵

荝郭注又名陵霄今本無之相傳其花有毒露滴眼中令人失明根能行血湖南俚醫亦用之

粵婁農曰余至滇聞有墮胎花俗云飛鳥過之其卵即隕亟尋視之則紫葳耳青松勁挺凌霄屈盤秋時旖旎

蔓草卷之二十二 白兔藿 紫葳 栝樓

雲錦鳥雀翔集豈見有胎殯卵殯者耶俗傳吉祥草素  
心蘭皆能催生取其佳名以靜人鷲而已夫鼻不聞其  
臭口不嘗其味而藥性達於腹中無是理也否則簪花  
滿髻折枝供瓶皆為萋苶下乳之毒草其能不圻不驅  
無災無害者鮮矣然演之張其詞以求利者果何為耶  
吾烏知其故耶



紫葳

栝樓 栝樓本經中品爾雅果羸之實栝樓今有苦甜二  
種葉亦小異炮炙論以圓者為栝長者為樓說近新鑿


其根即天花粉救荒本草根研粉可為餅糲可為粥子  
可為油

零婁農曰果羸之實亦施于宇釋詩者以為人不在室  
則有之余行役時屢館曠宅老藤蓋瓦細蔓侵牕蕭條  
景物未嘗不憶東山之詩如披圖繪也夫聖人衮衣繡  
裳雍容致治而於窮檐離索之情長言詠歎悱惻纏綿  
有目親身歷而不能言之親切如此者豈臨時有所觸  
而能然哉蓋其平日於民間綢繆拮据之事無不默為



栝樓一

栝樓二



經營卽一草木一昆蟲其蕃息於衡宇樊墻間者無不歷歷然在於心目思其翕聚則烹葵獻羔念其離析則敦瓜蝓蠋蓋非破斧缺斨必不忍使吾民有婦歎灑掃之悲其萬不得已之衷有不待直言而自見者人第頌其感人之深而不知其憫從征之將士若自咎其不能弭患於未然故鷓鴣之詩諄諄於天之未陰雨也雨雪楊柳師不言勞而勞師者代言之深情淪浹亦猶行周公之道也草黃人將棧車周道並有置其家室而不敢

念者讀無思遠人勞心切切之詩而知周之衰矣古詩十五從軍六十來歸備述其雞鳴犬吠之荒涼而終以白楊蕭蕭高家纍纍愁慘之音如聞悲咽杜拾遺從軍行曰禾生隴畝無東西男子荷戈婦姑曳鋤較之鹿場鶴鳴益爲心惻而哭聲干霄則窮兵黷武之時固不能不出之以慷慨悲激小雅怨悱勢使然也然其源皆出於東山之詩

### 王瓜

王瓜本經中品爾雅鈎蒔姑注一名王瓜今北地

通呼爲赤雹本草衍義謂之赤雹子是也自淮而南皆曰馬爬湖廣謂之公公鬚本草綱目江西人名土瓜栽之沃土根味如山藥今江西呼番薯爲土瓜又寧都山中別有一種土瓜味甚劣未知其卽王瓜否也陶隱居釋王瓜與郭注所謂實如瓠瓜正赤味苦形狀脰合則鈎蒔姑之名王瓜相訟至晉梁未改古人姑瓜音近相通而王瓜之爲赤雹以色形證之殆無疑義馬覓見救荒本草至土瓜之名則經傳已非一物菟瓜菲芴蘇頌



已謂同名異類今俗間所謂土瓜南北各別不可悉數故以土瓜釋王瓜而不具述形狀則昧瞽不知何物矣鄭注以爲菝葜必有所承王菩王蕘字異物同秀蓼之說以四月孟夏時令相符強爲牽合不知萋繞爾雅具載乃是遠志草木蟲魚疏以爲栝樓栝樓爾雅已前見郭景純何故以王瓜釋鉤藤姑而不以釋栝樓且謂栝樓形狀藤葉與土瓜相類不知所云土瓜又何物也唐

本草注王瓜葉如栝樓而無叉缺有毛刺無叉缺則亦不甚相肖蔓生之葉非以花叉齒缺分別則相同者多矣明人說部乃以黃瓜爲王瓜躑躅之羊形諸簡牘不經實甚小臣侍直曾蒙

天語詢及王瓜何物因以所聞見具對

上復問黃瓜始於何時具以始於前漢改名原委對

上曰諸瓜多始於後世古人無此多品俗人乃以王瓜爲黃瓜失之不考

九重宵旰於一草一木無不洞燭根原仰見 雨露

鴻鈞不私一物亦不遺一物彼訓詁考訂家何能上測

高深

百部 百部別錄中品本草拾遺云人多以門冬當百部

今江西所產苗葉正如圖經所述鄭樵所云葉如薯蕷亦相近李時珍以爲有如茴香葉者恐誤以天門冬當之以駁鄭說過矣秋開四尖瓣青白花藝花者以未浸水去蟲

## 葛

葛本經中品今之織絺絺者有種生野生二種救荒

本草花可煨食根可爲粉其葦爲葛花菜贛南以根爲果曰葛瓜宴客必設之爾雅翼以爲食葛名雞齊非爲絺絺者蓋園圃所種非野生有毛者耳周詩詠葛覃周官列掌葛今則嶺南重之吳越亦尠無論燕豫江西湖廣皆產葛凡採葛夏月葛成嫩而短者留之一丈上下者連根取謂之頭葛如太長看近根有白點者不堪用無白點者可截七八尺謂之二葛凡練葛採後卽挽成



百部


網緊火煮爛熟指甲剝看麻白不粘青卽剝下就流水捶洗淨風乾露一宿尤白安陰處忌日色紡以織凡洗葛衣清水揉梅葉洗漚夏不肥或用梅樹搗碎泡湯入瓷盆內洗之忌用木器則黑然嶺北女工多事苧南昌惟西山葛著稱贛州則信豐會昌安遠諸處皆治葛有家園種植者亦有野生者而葛布多雜蕉絲乍看鮮亮悅目入水變色質亦肥薄用純葛絲則韌而耐久沾汗不污會昌之精者繅績更艱葛一斤擇絲十兩績之半

## 葛一





年治成一端會昌安遠有以湖絲配入者謂之絲葛湖南舊時潭州永州皆貢葛今惟永州有上供葛葛生祁陽之白鶴觀太白嶺諸高峯芒種時採煮以灰而濯之而曝之白而擘爲絲紡以爲布如方目紗製爲衫不可浣汚則灑以水垢逐水溜無痕也興寧縣亦蒔之里老云葛有二種遍體皆細毛者可績布曰毛葛遍體無毛者曰青葛不可績惟以爲束縛則又毛葛所不逮又毛葛亦有二種蔓延於草上者多枝節而易斷成布不耐久惟緣地而生者有葉無枝成布較勝於芋廣西葛以賓州貴縣者佳鬱林葛尤珍明內監教之織爲龍鳳文也粵之葛以增城女葛爲上然不鬻於市彼中女子終歲乃成一疋以衣其夫而已其重三四兩者未字少女乃能織已字則不能故名女兒葛所謂北有姑娥南有女葛也其葛產竹絲溪百花林二處者良采必以女一女之力日采祇得數兩絲縷以絨不以手細入毫芒視若無有卷其一端可以出入筆管以銀條紗襯之罪微



葛二

蕩漾有如蝴蝶之翼然日曬則繅水浸則蹙縮其微弱不可恆服惟雷葛之精者細滑而堅色若象牙名錦囊葛裁以爲袍直襪稱大雅矣故今雷葛盛行天下雷人善織葛其葛產高涼礪洲而織於雷爲絺爲綌者分村而居地出葛種不同故女手良與樵功異焉其出博羅者曰善政葛出潮陽者曰鳳葛以絲爲緯亦名黃絲布出瓊山澄邁臨高樂會輕而細名美人葛出陽春者曰春葛然皆不及廣之龍江葛堅而有肉耐風日也詩正

義云葛者婦人之所有事雷州以之增城亦然其治葛無分精粗女子皆以鍼絲之乾撚成縷不以水績恐其有痕迹也織工皆東莞人與尋常織苧苧者不同織葛者名爲細工織成弱如蟬翅重僅數銖皆純葛無絲其以蠶絲緯之者浣之則葛自葛絲自絲兩者不相聯屬純葛則否葛產綏福都山中采者日得劬城中人買而績之分上中下三等爲布陽春亦然其細葛不減增城亦以紡緝精而葛真云

雲婁農曰葛者上古之衣也質重不易輕吳蠶盛而重者賤矣質韌不易柔木棉與而韌者賤矣質黃不易白苧苧繁而黃者賤矣乃治葛者與絲爭輕與棉爭軟與苧爭潔一疋之功十倍於絲與棉與苧其直則倍於絲而五倍棉與苧於是治葛者能事畢而技盡矣而受治者力亦盡矣褐之壽以世帛之壽以歲麻之壽以月今是葛也日之焦風之脆浣之懈藏之折其壽幾何聖人盡物之性而不盡物之力因其重與韌與黃而葛之壽

於是次於褐均於帛逾於麻

通草 今木通 通草本經中品舊說皆云燕覆子藤中

空一枝五葉子如小木瓜食之甘美今江湖所用皆非結實者溷本草以爲野葡萄藤此藥習用而異物非一種蓋以藤蔓中空皆主通利關竅故有效也

通草



防己 防己本經中品李當之云莖如葛根外白內黃如

桔梗今藥肆所用殊不類

雲婁農曰李杲以防己險而健能爲亂階聞其臭則可惡下咽則令人心煩亂飲食減少至於去十二經濕

熱壅塞非此藥不可其與大黃匹敵可矣甄權亦云  
 小毒李時珍以入蔓草而本經無毒中品豈古人精神  
 強固不畏洩利而後人柔弱不能勝其苦寒而乃以為  
 毒耶夫藥力平者不能去病而猛者性必有所偏元氣  
 已虧根本漸撥勝病之藥既不支而苟且塞責之品何  
 裨毫末兩漢循吏多在承平至於繡衣持斧殺馬埋輪  
 其時紀綱未紊民氣恬熙故武健者得行其志而一時  
 亦收火烈之效至其季也雖有戡平盜賊之績不旋而  
 復熾火燎於原一杯曷濟故治病治民不先審其根本



防己

而特藥力之投頭有蝨而剃之蝨則盡矣髮於何有

**黃環** 黃環本經下品其子名狼跋子別錄下品據唐本

草注及沈括補筆談即今之朱藤也南北園庭多種之  
 山中有紅紫者色更嬌豔其花作苞有微毛作蔬案酒  
 極鮮香救荒本草藤花菜即此李時珍以為唐宋本草  
 不收殆未深考又陶隱居云狼跋子能毒魚今朱藤角  
 經霜迸裂聲厲甚子往往墜入園池未見魚有死者又  
 南方草木狀有紫藤云根極堅實重重有皮莖香可降



黃環

神本草拾遺以爲長安人亦種飾庭院似卽以朱藤紫藤爲一種今湖南春掘其根以烘茶葉云能助茶氣味其根色黃亦呼小黃藤云

### 羊桃

羊桃本經下品詩萋楚爾雅銚弋皆此草也今江西建昌造紙處種之取其涎滑以揭紙葉似桃葉而光澤如冬青湖南新化亦植之黔中以其汁黏石不斷黔書滇黔紀游皆載之光州造冢以其條浸水和土捶之乾則堅如石不受斧鑿以火溫之則解

羊桃一



雲婁農曰天下之至小能制天下之至大天下之至柔能制天下之至剛天下之至輕能制天下之至重天下之至易能制天下之至難莫堅於石椿以鹽麩之木而立拆莫脆於石錮以羊桃之汁而無隙彼人氣之碎犀翡翠之屑金羚羊之破金剛衣枷之固漏舫膽之辟塵膠之止濁木賊之軟牙戎鹽之累卵物性之相感而相制殆有不可窮詰者吾以爲人主操尺寸之柄以制天下亦猶是矣干羽非征苗之兵而蠶茲格關雖非翦商

羊桃二





羊桃三

之謀而王業基聖人操其至小至柔至輕至易者謹之於廟堂而賞不恃爵祿而勸罰不恃斧鉞而懲神禹之平成孟子曰行所無事周家之艱難周公曰能知小人之依天下固有自然相通相及之理而無事竭智而逞力者彼衡石稱書豈天下之書遂盡此乎鹽鐵權利豈天下之利遂盡此乎申韓煩刑豈天下之獄訟皆刑所及而無能遁者乎孫吳治兵豈天下之強梗皆兵所威而無能抗者乎以大制大以剛制剛以重制重以難制

難竭其智而智有所不能周逞其力而力有所不能敵故用智者必歸於愚而用力者必至於弱秦皇漢武不能終於富強而况其他乎抑又有一說焉人主驅遣大將如使嬰兒而往往制於寺宦宮妾如秦之苻堅唐之元宗後唐之莊宗則歐陽子所謂禍患生於所忽智勇困於所溺譬如千金之隄潰於蟻穴合抱之木斃于桂屑雉之介誘於媒熊之勇昵於夾物固不可以小大剛柔輕重難易之相形而毅然可以自恃聖人之道亦唯於至小至柔至輕至易者慎之而已若其所以相制則亦無所用心也

白斂 白斂本經下品為瘡毒調敷之藥赤斂花實功用

白斂



皆同惟根表裏俱赤

赭魁 赭魁本經下品根形詳沈括筆談

赭魁



忍冬 忍冬別錄上品俗呼金銀花亦曰鶯鷺花又名左

纏藤陶隱居云忍冬酒補虛療風世人不肯爲之更求  
難得者近時爲解毒治痢要藥吾 太夫人曾患痢甚  
亟禱於神得方以忍冬五錢煎濃汁呷之不及半日即  
安其效神速如此吳中暑月以花入茶飲之茶肆以新  
販到金銀花爲貴皆中州產也

雲婁農曰忍冬古方罕用至宋而大顯金段克己詩云  
作詩與題評使異凡草木蓋未知近時吳中盛以爲飲  
沁萼吸露歲糜萬餘緡也夫物盛衰固自有時而醫者

云誰知至賤之中乃有殊常之效噫何所見之陋也凡  
物之利益於人孰非賤者穀蔬之於珍錯也金錫之於  
珠玉也陶匏之於髹刻也布綿之於錦繡也茅茨闔廬

之於衣綈錦被朱紫也若者易若者難若者爲民利若  
者爲民病不待智者而知也且歛歛版築漁鹽販豎人  
之賤者而聖賢出焉漢之盛也販繪吹簫位兼將相而  
編蒲牧豕者亦以經術顯得時則駕不得時則蓬蒿而  
行人亦何賤之有且賤者貴之基貴者賤之伏彼害人  
家國事者亦豈限貴賤哉漢之江充息夫躬孔僅桑宏  
羊非高門也王鳳王莽梁冀袁紹非下僚也司馬氏之  
東遷也以王謝爲晉鄭而傾王室者豈少烏衣子弟哉  
蘇峻平而懲折翼之夢封坩之小吏也盧循滅而符射  
蛇之讖伐荻之擔夫也唐重世閥以門第高下相夸亦  
以相軋至牛李黨一貴一賤終唐之亡而不解北宋之  
弱始以新法者疎遠之囚首垢面繼以紹聖者渺茫之  
方丈仙人而終以花石綱之市井無賴亡南宋者則又

忍冬



貴介椒戚之韓賈也嗚呼參朮至貴能生人亦能殺人  
 戟陸至賤能殺人亦能生人莊子之言曰藥也其實莖  
 也枯梗也雞壘也豕零也是時爲帝者也郭曰物當其  
 所須則無賤非其時則無貴故曰禮時爲大然聖人不  
 能爲時

千歲藟

千歲藟別錄上品陳藏器以爲卽葛藟本草

衍義引甘守誠以爲卽姜撫所進長春藤飲其酒多暴  
 死今俚醫以爲治跌損要藥其力極猛不得過劑吉安

人有患跌折者誤以數劑併服遂暴卒鞠獄者取其莖  
 研入肉以試犬犬食之頃刻間腹膨脝矣

雲婁農曰甚矣不學無術而惑邪說者之害之鉅也詩  
 之詠葛藟者多矣無言采采者傳曰葛藟能庇其本根  
 今山林中貫木絡石條蔓蔚密材不可薪不任縛實不  
 中噉而爲鳥雀啣啄者雖婦稚皆識之乃姜撫一妄男  
 子詫爲仙藥舉朝信之或以致斃惟一衛士甘守誠破  
 其狂誕豈彼時朝右皆伏獵弄臺之庸豎而無一通知  
 經術者哉蓋誦其名昧其物撫摺風月虛幻之詞而不  
 究其所用蔡謨讀爾雅不熟幾爲勸學死良可哂矣夫  
 良工度木非徒爲大小曲直也必審其剛柔燥濕之性  
 而後爲室則正爲器則固其編蒲織柳漚麻搗楮無有  
 不識物性而能成一藝者况醫者以藥投人腹中而不  
 知其有毒與否而受者乃貿貿然而試之是輕千金之  
 軀於鴻毛矣夫驅使草木而不知其性情尙不能得其  
 利而無害然則人主用人將舉家國人民而聽之乃不



千歲葛


能灼知其賢不肖其利害不亦大哉漢之言占候者欲以日辰之善惡決所見之邪正舉進退黜陟之權寄之於孤虛旺相其與術士以舉世不用之藥而詭言長生者皆不求之於可知而求之於所不可知禮曰百工之事皆聖人所作又曰夫婦之愚可以與知彼聖人所不言愚夫愚婦所不知皆妄而已矣

**葶藶** 葶藶別錄中品宋圖經列數種李時珍云葉大如盃今人皆以土茯苓爲葶藶誤矣其實今人乃以葶藶

爲土茯苓耳南安謂之硬飯團屑粉食之茲從李說而別存原圖

零婁農曰余按試贛開山中人掘硬飯團爲糧者令人探視之則卽藥肆所收以代土茯苓而李時珍以爲葶藶者堅強如木石山人之言曰贛山瘠田少苦耕穀不蕃雖中人產不能終歲粒食則仰給於薯蕷不足則糜草木之根莖而粉齧之若葛若蕨及此物皆貧民果腹是賴余觀范文正公使江淮取民所食烏昧草以進

葶藶一





葇薺二



乞宣示六宮戚里以抑奢靡前賢欲朝廷知民間艱難如此然此猶值儉歲耳若贛之民雖豐歲亦與上古食草木之實同而不獲奏庶艱食比之爾地苦寒穫稻烹葵其苦樂爲何如耶世有抱痾瘵者取瘠土之民之生計講求訪咨繪爲圖說使爲民上者知風雨時節而無告窮黎尙有藜藿不糝茹草嚼木而甘如黍稷者一遇亢曠螟螣稽葉皆盡顛連離散計惟有填溝壑而入盜賊得不蹙蹙然預計綢繆爲鳩形鵠面者蓄升斗之儲

而一切儉安縱欲坐待流民之圖於心忍乎求牧與芻而不得立而視其死距心亦知罪矣善將者士先食而後食豈守令而不然哉

菝葜

菝葜別錄中品江西湖廣皆曰鐵菱角亦曰金剛根葉可作飲救荒本草謂之山葵兒實熟紅時味甘酸可食其根有刺甚厲俚醫多用之

霧婁農曰菝葜山中多有之根多刺如釘似非善草然葉可飲子可食根可染治腳弱痺滿釀酒飲之幾無剩物而張耒有菝葜詩云江鄉有奇蔬本草寄菝葜驅風利頑痺解疫補體節春深土膏肥紫筍迸土裂烹之萇薑橘盡取無可撥則此草乃又堪蔬矣吾於此見造物之愛人甚矣山氓營窟林箐中寒而瘴濕而痺炙而暑刺而風惡蟲怪鳥洩其毒而爲瘴癘癘人非木石何以堪此乃使之日飲啜於良藥嘉草之中潛消其疹戾而不之覺不識不知順帝之則聖人之於民也亦猶是矣養生送死救災弭患其事必極於纖微瑣屑其功乃

盡於裁成輔相周官於絲枲茶葛果蔬漆林之類無不  
 臚舉而庶氏蠹氏所以攻烏獸毒蟲者其官亦皆備焉  
 後世輒曰大臣不親庶事夫不親者委任庶官而已然  
 其於民之一飲食一疾痛無不默默爲之籌畫憂勞康  
 誥曰如保赤子方其保抱攜持無所不至彼赤子烏知  
 之而感之漢之推鹽鐵也以賈人富而重租稅以困之  
 宋之行新法也比之祈寒暑雨怨咨而不顧夫君之於  
 民猶父之於子豈有以子富而困使貧且使之怨咨無

菝葜



聊而以爲快哉水旱疾疫屢連所極造物已早爲生聚  
 百物以待人主之措施彼以陽九委之於天者蓋真視  
 天夢夢也天不虛生一物聖人不虛靡一物樹木不以  
 時伐曾子謂之不孝天德王道何事不該疏曾濶目其  
 學曰耜

### 鈎藤

鈎藤別錄下品江西湖南山中多有之插莖卽生

莖葉俱綠本草綱目云藤有鈎紫色乃枯藤也

粵婁農曰鈎藤或作鈎藤以其鈎曲如鈎針也滇志嘔  
 酒出鎮雄州陸次雲崗谿織志嘔酒一名鈎藤酒以米  
 雜草子爲之以火釀成不籐不酢以藤吸取多有以鼻  
 飲者謂由鼻入喉更有異趣鎮雄直滇東北千里而遙  
 鼻飲之風今無聞焉考鎮雄爲芒部地舊隸烏蒙雍正  
 八年改昭通府以鎮雄爲州其屬有威信牛街母亨彝  
 良皆設吏分治其夷則有苗沙二種蓋地曠嶺奧蠻俗  
 猶有存焉然其植物昔有五加方竹龍眼荔支諸物今  
 志不載龍眼荔支而謂採筍蹂躪方竹殆盡五加已絕

種又謂有海竹空中爲嘔酒竿則嘔酒亦不盡用鈎藤  
 今昔殊風大都皆然而舊諺所謂烏蒙與天通者今已  
 爲運銅孔道馱負僦僦流人占籍宜其濡染華風非復  
 尚谿故狀抑夷性慙而土地礪确一草一木輒惜之或  
 以易食物而畏官之需索尤甚志蓋因其俗而杜誅求  
 云爾然以方竹爲守土累者實有之矣務奇詭而不恤  
 艱難烏可以長民哉



鈎藤

蛇莓

蛇莓別錄下品多生園野中南安人以莖葉搗敷

疔瘡隱其名爲疔瘡藥試之神效自淮而南謂之蛇蛋  
 果江漢間或謂之地錦

蛇莓



雲婁農曰蛇莓多生階砌下結紅實色至鮮故名以錦  
 雖爲莓然第供烏雀螻蟻耳願其塗敷疔毒效甚捷而  
 力至猛寸草有心烏可忽乎哉夫德無小醫桑一飯而  
 倒戟執炙一櫛而救危飲食之施適得國士咫尺階前  
 乃有大藥否則門左千人門右千人碌碌者黍不爲黍  
 稷不爲稷求其非荆棘之刺足矣尙能獲其報乎

## 牽牛子

牽牛子別錄下品今園圃中植之酉陽雜俎謂之盆甌草自河以北謂之黑丑白丑又謂之勤娘子其花色藍以漬薑色如丹南方以作紅薑故又名薑花又一種子可蜜煎俗謂之天茄救荒本草謂之丁香茄李時珍以爲卽牽牛子之白者花葉固無異也另入果類

牽牛子



雲婁農曰俗以牽牛花同薑作蜜餞紅鮮可愛而理不可曉梅聖俞詩持置梅窗間染薑奉盤饅爛如珊瑚枝

蔓草卷之二十二 牽牛子 女萎 地不容

惱翁牙齒柔文與可詩只解冰盤染紫薑此法自宋始矣邵子詩雕零在櫛先言其日出卽收也司馬溫公獨樂園有花庵以牽牛瓜豆爲之東坡以此非佳花而前賢多賞之觀邵子所謂長是廢朝眠者卽此亦見賢者斷無三宴起時也黃綾被裏放衙終身不見此花矣俗呼此花爲勤娘子亦有味

## 女萎

女萎見李當之藥錄諸家誤以解委萎唐本草以爲似白薇主治痢洩觀王羲之女萎丸帖云腹痛小差須用女萎丸得應甚速則必非今玉竹矣原出荆襄又曰魯國女萎近世方中無用者存原圖以俟訪

女萎



地不容

地不容一名解毒子唐本草始著錄南嶽攪勝集軫宿峯北多生地不容草取汁同雄黃末調服之大解蛇毒以其滓敷傷處雖蝮蛇五步至毒亦不加害其效至速

零婁農曰余在湘中按志求所謂地不容者不可得及來滇有以何首烏售者或云滇人多以地不容僞爲何首烏宜辨之余喜得地不容甚於何首烏也遂博訪而獲焉其根苗大致似交藤而根扁而瘠葉厚而圓開小紫花詢諸土人則曰其葉易衍其根易碩殆無隙地能容也故名或以其葉團似荷錢而易爲地芙蓉失其意矣考圖經生戎州今爲安順府與滇接宋版輿不及滇故不以爲滇產滇本草曰味苦性溫有毒治一切瘡吐倒食氣吐痰甚於常山虛者忌之常山有轉達之功地不容無轉達之功故禁用其說與圖經異而詳滇黔之藥多出於夷峒夷之衣服飲食不與華同以治夷者治民幾何不草菅而獮蕪之耶然世之好奇者不求之烏

地不容

許狼臆則求之番舶鬼市輒曰藥之來者遠則其爲效也捷嗚呼病非夷之病而藥夷之藥則必衣夷之衣而後知其藥之舒斂食夷之食而後知其藥之補伐身體心腹無不變而爲夷而後藥之入其肺腑而達於毛髮

地不容



者乃無一不相淪泆瞑眩焉而後知夷醫爲和緩夷藥爲參苓矣否則不乃之藥古刺之酒且有呃於喉刺於鼻而不能一咽者况此苦辛劇毒之品而謂五行無偏勝之臟腑可以相容莫逆如石投水哉滇地今益闢夷之負藥入市者惟薰洗瘡瘍醫實取資焉駸駸乎胥

百夷而冠帶之酸鹹之且將以治民者治夷矣如滇本草誠不以良民試夷法滇亦多賢人哉

白藥 白藥唐本草始著錄圖經有數種本草拾遺又有

陳家白藥甘家白藥會州白藥有方無圖今滇南亦有

白藥主治馬病未知是圖經何種不敢併入茲從圖書

集成繪存原圖一種其治證各方錄於編中以備考

白藥



落鴈木 落鴈木唐本草始著錄海藥謂鴈過皆綴其

中故名生南海山中代州雅州皆有之治風痛腳氣產

後血氣痛

落雁木



解毒子 解毒子唐本草以為生川西即地不容圖經

所云生戎州者與滇南地不容雖相類而云無花實李

解毒子



蔓草卷之二十二 白藥 落鴈木 解毒子 蘿藦

時珍以四川志苦藥子即解毒子又或謂即黃藥子皆出懸揣今以滇南地不容別為一圖而存解毒子原圖以備考世之用地不容者當依滇本草為確其舊說解毒毒消痰降火雖具藥性而不可輕試若川中苦藥子亦恐非唐本草之解毒子也

**蘿摩** 蘿摩即藿蘭見詩疏唐本草始著錄拾遺曰斫合

子救荒本草曰羊角科今自河以北皆曰羊角江淮之間曰婆婆鍼線包或曰羊婆奶湖南曰斑風藤

零婁農曰芎蘭衛詩也故中原極多江湖間偶逢之淳于髡曰求柴胡桔梗於沮澤累世不得一焉地利有宜信矣沈存中謂芎蘭生莖支出於葉間垂之如臚其葉如佩韞之狀按芎蘭之角如臚尚得形似其葉如王瓜牽牛等安得有佩韞狀詩人觸物起興矢口成音豈與夫訓詁之學拘文牽義強為組織哉漢儒格物非得之目觀即師承有緒非妄造無稽之談以為標新領異始作俑者王安石之新學而陸佃為之推波助瀾也陳瑩

蘿摩



中云王氏之學廢絕史學而咀嚼虛無之言其事與晉無異其彈蔡京疏云絕滅史學一似王衍斥新經者以此為臯蘇折獄矣夫憑虛臆說何所不至極其量雖伏獵弄蠻無難曲解旁證以伸其說今王氏之學漸滅殆盡而埤雅以草木鳥獸而存毛晉以陸佃釋采苻采繁采蘋藻為后妃諸侯夫人大夫妻之次第王安石釋苻接余謂可以妾餘草為可笑而近於戲嗚呼王氏之學天變不足畏祖宗不足法人言不足恤尚何有於經而

不敢侮觀其制置條例乃以蒼生宗社爲戲經營祖述卒傾宋京由今而觀豈堪一嘆哉沈存中博物者而不免汨新學之餘波甚矣邪說之害同於洪水猛獸也

### 赤地利

赤地利唐本草始著錄李時珍以爲卽本草拾遺之五毒草江西湖南通呼爲天蕎麥亦曰金蕎麥莖柔披靡不纏繞莖赤葉青花葉俱如蕎麥長根赭硬與唐本草說符爲治跌打要藥竊賊多蓄之故俚醫呼賊骨頭

零婁農曰天之生斯草也以矜折損也乃宵小恃之以扞敵押而遁法網豈天之助兇人歟易曰惡不積不足以滅身傳曰淫人富謂之殃夫盜賊穿窬胙篋得而繫之法止鞭扑及荷校耳乃祕此方藥絕者續腐者新頑而無忌屢觸法而益狼戾其究不至殺越人于貨不止則斷到之戮及之矣昔有囚將伏法語獄卒曰某爲賊冒法多矣每受責必餌白及故無苦死後可取肺視之必有異獄卒如言審其肺已潰敗皆白及所補綴云然

則盜賊得祕藥而無所苦者乃俾之愍不畏死而終服上刑也則天之生此草將以積其惡而滅之殃之也然盜賊終恃此而不活也



赤地利

### 紫葛

紫葛唐本草始著錄湖南謂之赤葛藤葉似野葡

萄而根長如葛色紫蓋卽葛之別種主治金瘡傷損俗方多用之原圖葉甚相類又一圖殆其枯蔓姑仍之



烏蘇莓

烏蘇莓即五葉莓唐本草始著錄按詩經葍



紫葛

葎草

葎草唐本草始著錄處處有之救荒本草謂之葛勒子秧苗葉可爍食本草綱目併入別錄有名未用勒草南方呼刺皆曰勒未可以葎勒音轉定為一物 零婁農曰湘中葎草極繁廢圃中往往葎不可行迷陽傷足罽鞞竊衣其流輩也調以酸鹹乃不戢侯花芥刺 薊又其亞矣蓋造物之養人也唯恐其獲之也艱而生



葎草

之也。噉故凡婦稚之搨捋牛羊之踐履無不可以適口  
腹而備緩急然則人力之所極而化工之所憇者其皆  
非養人者歟余以世之疾夫此草也因歌以誡之其詞  
曰相彼蒞蔓浸淫堂隅鋤而去之乃益繁蕪孰遣不憎  
孰忤不誅勿憎勿誅代匱庶乎嗚呼儻歲恃此而舖體  
斯粥斯不整乃腴何惜咫尺廣苗此徒吾言曷徵曰救  
荒書

# 植物名實圖考卷之二十三

固始吳其濬著

蒙自陸應穀校刊

## 蔓草類

四喜牡丹

即追風藤

刺天茄

刀瘡藥

紫地榆

滇白藥子

葉上花

堵喇

土餘瓜

滇土瓜

昆明雞血藤

繡毬藤

扒毒散

崖石榴

金線壺盧

銅錘玉帶草

鐵馬鞭

黃龍藤

白龍藤

地棠草

鞭打繡毬

漢葳魚腥草

大發汗藤

昆明沙參

即金鐵鎖

飛仙藤

鞭繡毬

薑黃草

金雀馬尾參

雞血藤

碗花草

紫參

青羊參

滇紅草薺

架豆參

山苦瓜

青刺尖

染銅皮

紫羅花

過溝藤

馬尿藤

巴豆藤

滇防己

滇淮木通

滇兔絲子

飛龍掌血

小雞藤

竹葉吉祥草

山豆花

山紅豆花

野山葛

象鼻藤

透骨鑽

珠子參

土黨參

芳草

老虎刺

滇南薄荷

野草香

滇瑞香

東紫蘇

香科科

毒草

小黑牛

月下參

滇常山

野煙

象頭花

紫背天葵

山土瓜

土荆芥

滇藁本

地笋

滇芎

白草果

野棉花

小草烏

羊肝狼頭草

雞骨常山

金剛纂

四喜牡丹

即道風藤

四喜牡丹生雲南山中長莖如蔓附

莖生葉三葉同柄復多花又微似牡丹長五六分春開

四瓣白色如梔子瓣齊有直紋黃蕊綠心楚楚有致

惟莖長花少頗形寂寞

四喜牡丹



刺天茄

刺天茄滇黔山坡皆有之長條叢蔓細刺甚

利葉長有缺微似茄葉然無定形花亦似茄尖瓣黃蕊

粉紫淡白新舊相間花罷結圓實大者如彈熟紅久則

褪黃自春及冬花實不斷滇本草刺天茄味苦甘性寒

治牙疼爲末搽之即愈療腦漏鼻淵却風止頭痛除風

邪



刺天茄

刀瘡藥 刀瘡藥生雲南藤本蔓生赭綠莖葉似何首烏



刀瘡藥

色綠微寬無白脈葉間開花五瓣外白內紫紋如荆葵  
數十朵簇聚爲毬又名貫筋藤殆能入筋絡之品

紫地榆 紫地榆生雲南山中非地榆類也圓根橫紋

赭褐色細蔓繚繞一莖一葉葉如五葉草而杈歧不勻  
多鋸齒蔓梢開五瓣粉白花微紅本尖末齊綠萼五出  
長於花瓣托襖瓣隙結角長寸許甚細而彎如牛角考  
滇本草有赤地榆與本草治症同又有白地榆味苦澆  
性溫與地榆頗異此又一種按名而求則懸牛首市馬  
肉不相應者多矣

紫地榆



滇白藥子

滇白藥子蔓生根如卵多鬚一枝五葉似木通而微小梢端三葉夏開花作穗如白花何首烏結實如珠考白藥有數種而說皆不晰滇本草謂只可醫馬不可吃而又載興陽道諸方其說兩歧殆不可信



滇白藥子

葉上花

葉上花生雲南蔓生綠莖一葉一鬚葉或五尖或三尖大如眉豆葉花生葉筋脈上作小尖膏莖上紅下淡花密則葉枯其筋脈即成小莖結實如珠色紫黑廣西通志紅果草小者圓葉邊花莖有軟刺可治牙



痛疑即此類

葉上花



堵喇

堵喇生大理府蔓生黑根一枝一葉似五葉草大如掌俚醫云性寒解草烏毒產緬地者能解百毒

堵喇



土餘瓜

滇本草土餘瓜味甘無毒生於山中倒挂綠葉開黃花按一年開一朵結一莖梗藤綿軟至十二年根成人形夜有白光屬陽氣採取同雲茯苓膏服之黑髮延年百病不生若單服無益茯苓亦夜有白光陰也須得土餘瓜配合爲妙余遣人採得根如何首烏大小礫何相屬不絕色黃如土細蔓絲鼻拳附下垂一葉一鬚似王瓜葉而光有細紋亦如瓜葉人形白光之說蓋如枸杞人蔓以意測度東坡謂五月五日採艾如人形者艾豈似人萬法皆妄出於意想讀醫書者當知之



土餘瓜

滇土瓜

土瓜生滇黔山中細蔓長葉微圓秋開如鼓子花色淡黃根以爲果食桂馥札璞土瓜形似萊菔之扁者色正白食之脆美案卽爾雅黃菟瓜譌爲土瓜滇本草味甘平一本數枝葉似胡蘆根下結瓜紅白二色紅者治紅白帶下通經解熱白者治婦人陰陽不分子宮虛冷男子精寒生喫有止嘔療饑之妙遵義府志俗呼土蛋歲可助糧按此草有花一開卽斂滇本草以爲無花殆未細審

按黔西山坂中極多北人見者皆以爲燕窩其花初黃後白按爾雅菲芴郭注土瓜也孫炎曰菹類也此草形旣如菹名同土瓜或是一物但本草所述土瓜卽是王瓜而說經者皆不詳土瓜花實引證極博究無的解北地亦未見有此草不敢遽謂葑菲之菲卽此矣若李時珍謂江西土瓜粉卽王瓜根恐贛南之土瓜亦卽此物唯彼人云味穢惡此根味甘有藥氣不至辣喉或以地氣而異若王瓜根則未聞可粉也



瀨土瓜

### 昆明雞血藤

昆明雞血藤大致即朱藤而花如刀豆  
花嬌紫密簇豔於朱藤即紫藤耶褐蔓瘦勁與順寧雞

血藤異浸酒亦主和血絡

昆明雞血藤



### 繡毬藤

繡毬藤生雲南巨蔓逾丈一枝三葉葉似榆  
而深齒葉際抽葶開花如絲長寸許糾結成毬色黃綠  
滇本草亦有此藤而圖說皆異蓋又一種此藤開四瓣  
紫花心皆粉蕊老則迸為白絲微黃土醫或謂為木通  
以為薰洗之藥主治全別



繡毬藤

### 扒毒散

扒毒散生雲南圃中插枝即活以能治毒瘡  
故名大致類斑莊根而無斑點葉亦尖長秋深開小白  
花如蓼而不作穗簇簇枝頭尤耐霜寒



扒毒散



崖石榴

龍眼滇俗亦以爲粉葉澀亦微異

崖石榴盤生石上卽木蓮一類而實大僅如

崖石榴



金線壺盧

金線壺盧生滇南山中蔓生細莖葉似何首烏而瘦根相連綴大者如拳小者如雀卵皮黃肉白以煮雞肉味甘而清美於山積滇中秋時粥於市不知者或以爲芋俗云性能滋補故嗜之

金線壺盧



銅錘玉帶草

銅錘玉帶草生雲南坡阜綠蔓拖地葉圓有尖細齒疎紋葉際開小紫白花結長實如蓮子色紫深長柄擎之帶以肖蔓錘以肖實也

銅鐘玉帶草

### 鐵馬鞭

鐵馬鞭生雲南山中粗蔓色黑短枝密葉攢簇無隙葉際結實紫黑斑爛大如小豆土醫云浸酒能

治浮腫

鐵馬鞭



### 黃龍藤

黃龍藤生雲南山中藤巨如臂紋裂成鱗細蔓紫色長葉綠潤開五瓣團花中含圓珠般紅一色珠

老則青

黃龍藤



### 白龍藤

白龍藤生雲南山中粗藤如樹巨齒森森細枝小葉亦絡石之類土醫云能舒筋骨

蔓草卷之二十三

鐵馬鞭

黃龍藤

白龍藤

地棠草

鞭打繡毬

漢葶魚腥草



白龍藤

地棠草

地棠草生雲南山阜細蔓綠圓葉大如錢深

齒齟齬三以爲簇花開葉際土醫云能散小兒風寒



地棠草

鞭打繡毬

鞭打繡毬生大理府細葉莖如水藻近根

處有葉大如指梢端開淡紫花尖圓如小毬俚醫用之  
云性溫味微甘治一切齒痛煎湯含口吐之



鞭打繡毬

漢葑魚腥草

漢葑魚腥草生雲南太華山麓紅莖鼻

娜似立似欹對生橫枝細長下俛枝頭三杈生葉宛如  
青蒿葉際小葶細如朱絲花苞作小笛子開五瓣粉紅  
花似梅花而小瓣上有紅縷殊媚按宋圖經有水英又  
名牛葑魚津而不著其形狀氣味難以臆定

### 大發汗藤

大發汗藤生雲南山中蔓生勁挺莖色淡

綠每節結一綠片圓長寸許片端發兩枝橫亘下垂長  
莖中穿宛如十字附枝生葉葉如苦瓜葉而少花又有  
鋸齒土人以其藤發汗故名

大發汗藤



淡紅魚腥草

蔓草卷之二十三

大發汗藤

昆明沙參

飛仙藤

鞭繡毬

葦黃草

### 昆明沙參

即金鐵鎖

金鐵鎖生昆明山中柔蔓拖地對葉

如指厚肥僅露直紋一縷夏開小淡紅花五瓣極細獨  
根橫紋頗似沙參壯大或如蘿蔔亦有數根攢生者滇  
本草味辛辣性大溫有小毒吃之令人多吐專治面寒  
痛胃氣心氣疼攻瘡癰排膿爲末五分酒服夷寨谷汲  
水寒多毒辛溫之藥或有所宜與南安以仙茅爲茶皆  
因地而用不可以例他方扁鵲之爲醫也以秦趙爲別  
尹趙王韓之治京兆也寬嚴異轍地與時殊治無膠理  
麗江府志土人參性燥在滇而燥移之北不幾烏頭天  
雄之烈燄耶

昆明沙參




蔓草卷之二十三 大發汗藤 昆明沙參 飛仙藤 鞭繡毬 薑黃草

飛仙藤

飛仙藤生雲南石巖上柔蔓細枝長葉如柳而瘦勁下垂叢雜蒙茸遠視不見柯條移植輒不得生滇本草味甘無毒綠葉白花採服益壽延年若花更妙此草鹿多食之鹿交多輒斃牝鹿銜以食之即活又名還陽草按此草亦活鹿草之類劉懂殘鹿得草而起用以爲藥僅同豨薟牛之性猶人之性與鼠食巴豆羊食斷腸草移之於人烏乎

飛藤仙



鞭繡毬

鞭繡毬生昆明山中蔓生細根黑鬚綠莖對葉葉似薯蕷而未團球紋圓齒夏開五瓣黃花頗似迎

春花



鞭繡毬

薑黃草

薑黃草生滇南蔓葉俱如牽牛根如薑而黃極硬以形得名



薑黃草

金雀馬尾參

金雀馬尾參生雲南山中綠蔓柔長根

赭白色一叢數百條葉際開花作壺盧形長四五分細

腰色紫上拆五瓣而尖復合茸毛外森鬱翹別致

金雀馬尾參



雞血藤

雞血藤順寧府志枝幹年久者周圍四五寸

少者亦二三寸葉類桂葉而大纏附樹間伐其枝津液

滴出入水煮之色微紅佐以紅花當歸糯米熬膏為血

分之聖藥滇南惟順寧有之產阿度吾里者尤佳今省

碗花草

碗花草生雲南蔓生如旋花葉似鬼目草葉

碗花草



會亦有販者服之亦有效人或取其藤以為杖屈擊古  
勁色淡紅其舊時赤藤杖之類乎

鷓血藤



蔓草卷之二十三

金雀馬尾參

雞血藤

碗花草

紫參

青羊參

滇紅草蓀

蔓草卷之二十三 金雀馬尾參 雞血藤 碗花草 紫參 青羊參 滇紅草薺

無毛花出苞中色白五瓣作筍子形無心臨安土醫云  
治九子痒以根泡酒敷自消昆明謂之鐵貫藤

紫參 滇紫參即茜草之小者四葉攢生而無柄以此稍

異



紫參

青羊參 青羊參生雲南山中似何首烏長根開五瓣

小白花成攢摘之有白汁

滇紅草薺

滇紅草薺長蔓葉光潤綠厚有直勒道花

紫紅如粟米作毬



青羊參



滇紅草薺

架豆參 架豆參生雲南短蔓葉如荳二四對生如架

十字根大如薯

架豆參



山苦瓜 山苦瓜生雲南蔓長挖地莖葉俱澀或二葉

三葉四葉為一枝長葉多鬚

山苦瓜



青刺尖 滇本草青刺尖味苦性寒主攻一切癰疽毒

瘡有膿者出頭無膿者立消散結核按此草長莖如蔓

莖刺俱綠春結實如蓮子生青熟紫

青刺尖



染銅皮 染銅皮生雲南蔓生無枝三葉攢生一處有

白縷結實如粟



染銅皮

蔓草卷之二十三 架豆參 山苦瓜 青刺尖 染銅皮 紫羅花 過溝藤 馬尿藤 巴豆藤



蔓草卷之二十三 架豆參 山苦瓜 青刺尖 染銅皮 紫羅花 過溝藤 馬尿藤 巴豆藤

紫羅花

作毬俗醫謂之蛇藤

紫羅花生滇南蔓生葉澀如豆葉子如枸杞



紫羅花

過溝藤

臭

過溝藤生雲南長蔓一枝三葉結實如粟味



過溝藤

馬尿藤

作角紅紫色如小角花

馬尿藤生雲南一枝三葉光滑如竹葉開花



馬尿藤

巴豆藤

葉名以巴豆蓋性相近

巴豆藤生雲南巨藤類木新蔓繚繞一枝三



巴豆藤

滇防己 滇防己綠蔓細鬚一葉五歧黑根籠硬切之

作車輻紋

滇防己



滇淮木通 滇淮木通毛藤如葛一枝三葉或五葉粗

澀縐紋亦有毛莖中空通氣

滇淮木通



滇兔絲子 滇兔絲細莖極柔對葉如落花生葉微團

莖端開紫筍子花雙朵並頭旋結細子

滇兔絲子



飛龍掌血 飛龍掌血生滇南粗蔓巨刺森如鱗甲新

蔓密刺葉如橘葉結圓實如枸橘微小

飛龍掌血



蔓草卷之二十三 滇防己 滇淮木通 滇兔絲子 飛龍掌血 小雞藤 竹葉吉祥草 山豆花 山紅豆花

小雞藤

(校注)原本有目無說



小雞藤

竹葉吉祥草

竹葉吉祥草生雲南山中綠蔓竹葉垂

條開花如吉祥草六瓣紅白相間長根色微紅土醫謂

之竹葉紅參主補益

竹葉吉祥草



山豆花

山豆花生雲南蔓生大葉長穗花似紫藤花



山豆花

山紅豆花

山紅豆花生雲南山中葉蔓如紫藤而細

小花如豆花色紅

山紅豆花



野山葛 野山葛山中有之一枝三葉如大豆葉開紫  
花作角如葛花而小



野山葛

象鼻藤

象鼻藤生雲南對葉如槐亦夜合結角如椿



象鼻藤

角一一下垂 透骨鑽 (校注)原本有目無說



透骨鑽

珠子參

(校注)原本有目無說

珠子參

土黨參

土黨參生雲南根如參色紫花蔓生葉莖有



蔓草卷之二十三 野山葛 象鼻藤 透骨鑽 珠子參 土黨參 山土瓜 老虎刺 土荆芥

芳草卷之二十三 野山葛 象鼻藤 透骨鑽 珠子參 土黨參 山土瓜 老虎刺 土荆芥

白汁花似奶樹花而白蓋一類



土葛參

山土瓜

山土瓜蔓生一枝三葉花紫角細如豆根味



山土瓜

如雞腿光根土人食之

老虎刺

老虎刺黔中植以為藩細葉夜合柔枝蓋偃

秋時結實若豆而扁下垂片角薄於蟬翼淡紅明透光映叢薄緣石蓋瓦樊圃護門每當斜陽灑灑輕颺漾漾便如朱甍欲飛丹鱗出泳田家雜興描畫為難矣

老虎刺



土荆芥

土荆芥生昆明山中綠莖有稜葉似香薷葉

間開粉紅花花罷結筍子三尖微紅似紫蘇蒴子而稀疎土人以代假蘇

土荆芥



滇南薄荷

滇南薄荷與中州無異而莖方亦硬葉厚

短氣味微淡滇本草謂作菜食返白髮爲黑與他省不同又治癰疽疥癬及漆瘡有神效云



滇南薄荷

滇藁本

滇藁本葉極細碎比野胡蘿蔔葉更細而密

餘同救荒本草滇本草治症無異



滇藁本

野草香

野草香雲南徧地有之牆瓦上亦自生莖葉

野草香



芳草卷之二十三

滇南薄荷

滇藁本

野草香

地笋

滇瑞香

滇芎

微類荊芥頗有香氣秋作穗如狗尾草而無毛開淡紅  
白花滇俗中元盂蘭必以為供蓋藉車胡繩之類而失  
其名

地笋 地笋生雲南山阜根有橫紋如蠶傍多細鬚綠莖

紅節長葉深齒

地笋



滇瑞香 瑞香本草綱目始著錄蓋即圃中所植所謂  
麝囊花紫風流者不開入藥滇南山中有一種白花者  
的的枝頭殊無態度而葉極光潤南越筆記白瑞香多

生乳源山中冬月盛開如雪名雪花刈以為薪雜山蘭  
芎藭之屬燒之比屋皆香其種以攀枝為上有紫色者  
香尤烈雜衆花中衆花往往無香皆為所奪一名奪香  
花乾者可以稀痘當亦用白花者耳

滇瑞香



滇芎 滇芎野生全如芹土人亦呼為山芹根長大粗糙

頗香滇本草味辛性溫發散癰疽治溼熱止頭痛食之  
發病

白草果

東紫蘇



白草果與草果同而花白瓣肥中唯一縷微

東紫蘇

馮身

枯草蓋石香菜之類

東紫蘇生昆明山野叢生細葉深齒穗如夏



芳草卷之二十三

東紫蘇

白草果

香科科

小黑牛

野棉花

月下參

香科科



香科科 香科科生雲南細莖高五六寸對葉如薄荷  
葉亦微有香梢開白花如豆花層層開放

黃土醫以為此真草果



白草果



毒草卷之二十三 東紫蘇 白草果 香科科 小黑牛 野棉花 月下參

小黑牛

小黑牛生大理府莖葉俱同草烏頭根黑糙微異俚醫云味苦寒有大毒治跌打損傷擦敷用殆即

烏頭一類

小黑牛



野棉花

野棉花滇本草味苦性寒有毒下氣殺蟲小

野棉花



月下參

兒寸白蟲虻蟲犯胃用良此草初生一莖一葉葉大如掌多尖叉面深綠背白如積粉有毛莖亦白毛茸茸夏抽葶頗似罌粟開五團瓣白花綠心黃蕊楚楚獨立花罷蕊擎如毬老則飛絮隨風彌漫故有棉之名

月下參 月下參生雲南山中細莖柔綠葉花又似蓬

蒿萋蒿輩又似益母草而小發細葶擎葶宛如飛鳥昂首翹尾登枝欲鳴開五瓣藍花上三勻非下二尖並內又有五茄瓣藏於花腹上一下四微吐黃蕊一柄翻翹色亦藍紫蓋即菊譜雙鸞菊烏頭一類滇人以根

月下參



圓白多細鬚爲月下參滇本草味苦平性溫熱治九種  
胃寒氣痛健脾胃消食治噎寬中痞滿肝積左右肋痛吐  
酸其性亦與烏頭相近

小草烏 小草烏生雲南山中與月下參同無大根有

毒外科用之



小草烏

滇常山 滇常山生雲南府山中叢生高三四尺葉莖

俱如木本葉厚韌面深綠背淡青茸茸如毛夏秋間莖  
端開花三葶並擢一穗數十朵花如杯而有五尖瓣翻

卷內向中擊圓珠生青熟碧蓋花實並綴也花厚勁色  
紫紅微似單瓣紅山茶花但小如大拇指不易落宋圖  
經海州常山八月花紅白色子碧色似山棟子而小微  
相彷彿

滇常山




羊肝狼頭草 羊肝狼頭草生雲南太華山細根獨莖

如拇指粗淡黃色有直筋每節四枝節如牛膝而大有  
深窩枝生膝上四杈平分莖如穿心而出就枝生葉如  
高而細平勻如齒花生窩中左右各一如豆花黃色上

壽草卷之二十三 小草烏 滇常山 羊肝狼頭草 野煙 雞骨常山

蠱草中具奇詭者本草狼毒以性如狼故名滇中毒草亦多與以狼名觀其名與形知非佳草矣



羊肝狼頭草

野煙 野煙即菸處處皆種為業滇南多野生者園圃中

亦自生葉黏人衣辛氣射鼻滇本草味辛麻性温有大毒治疔瘡癰疽發背已見死症煎服或酒合為丸名青龍丸又名氣死名醫草服之令人煩不知人事發暈走動一二時辰後出汗發背未出頭者即出頭此藥之惡烈也昔時謂吸多煙者或吐黃水而死殆皆野生錄此

以志其原

野煙

雞骨常山

雞骨常山生昆明山阜弱莖如蔓高二三

雞骨常山



尺長葉似桃葉光韌蹙紋開五尖瓣粉紅花灼灼簇聚  
自春徂秋相代不絕結實作角翹聚梢頭圃中亦植以  
爲玩

### 象頭花


象頭花生雲南紫根長鬚根傍生枝一枝三  
葉如半夏而大厚而澀一枝一花花似南星其包下垂  
長尖幾二寸餘宛如屈腕又似象垂頭伸鼻其色紫黑  
白筋凸起條縷明勻極似夷錦南星蒟蒻花狀已奇此  
殆其族而尤詭異土人以藥畜之主治同天南星卽由  
跋之別種亦有綠花者結實亦如南星而色殷紅



象頭花

### 金剛纂

金剛纂雲南通志花黃而細土人植以爲籬  
又一種形類雞冠談叢滇中有草名金剛纂其幹如珊  
瑚多刺色深碧小民多樹之門屏間此草性甚毒犯之  
或至殺人余問滇人植此何爲曰以辟邪耳唐綿夢餘  
錄金剛纂狀如椶櫚枝幹屈曲無葉剉以漬水暴牛羊  
渴甚而飲之食其肉必死滇本草金剛杵味苦性寒有  
毒色青質脆如仙人掌而似杵形故名治一切丹毒腹  
癢水氣血腫之症燒灰爲末用冷水下一服卽消不可



金剛纂

毒草卷之二十三 象頭花 金剛纂 紫背天葵

多服若生用性烈於大黃芒硝欲止其毒以手浸冷水中卽解夷人呼爲冷水金丹滇記金剛纂碧榦而蝟刺孔雀食之其漿殺人臨安府志狀如刺桐最毒土人種作籬人不敢觸 按此草強直如木有花有葉而無枝條葉厚綠無紋形如勺花生榦上五瓣色紫扁闊內翕中露圓心黃綠點點遙望如苔蘚嶺南附海舶致京師植以爲玩不知其毒呼曰霸王鞭

紫背天葵

紫背天葵滇本草味辛有毒形似蒲公英

紫背天葵



綠葉紫背爲末敷大惡瘡神效人悞服汗出不止速飲藁豆甘草卽解 按此草昆明寺院亦間植之橫根叢莖長葉深齒正似鳳仙花葉面綠背紫與初生蒲公英微肖耳夏開黃花細如金線與土三七花同蓋一類也